

明
通
鑑
增
編

明通鑑附編卷三

江西永甯知縣當塗夏燮編輯

附記三

柔兆掩茂
盡一年

大清順治三年春正月己酉朔明唐王駐建甯不受朝
賀以三大罪自責 庚申故明瑞昌王誼泐結衆謀犯
江甯丙寅夜帥衆二萬餘分三路來犯

大兵擊敗之誼泐被執與其部下經畧常爾韜總兵楊
三貫夏含章等俱死時又有崇陽王者率兵寇歙縣兵
敗與其總兵閔士英鄭鵬遠俱見執死又高安王常洪
與監軍道江于東等據婺源之小坑遂平王紹鯤職方

主事楊謨等擁眾太湖遙應魯王亦先後見執而死見輯覽目中注云順治三年證之東華錄入寇江甯乃正月二十八等日而是時金聲事敗歙縣之犯蓋謀應金聲而太湖之役疑卽尹民興等起事時今類書于正月下是月

大清命肅親王豪格爲靖遠大將軍統兵征四川 明

魯王遣使臣柯夏卿曹維才聘于唐唐王手敕加夏卿

兵部尙書維才光祿寺少卿報魯王曰予無子王爲皇

太姪同心僂力共拜孝陵予有天下終致于王浙東所

用職官悉列朝籍無分彼此尋遣僉都御史陸清源齎

餉十萬犒浙東軍 明督師尙書何騰蛟師次湘陰與

監軍御史李膺品謀大會諸將于岳州副將張先璧返

留不赴諸將亦觀望惟李赤心自湖北至迺

大清兵戰敗而還諸鎮兵遂罷騰蛟威望由此損明

唐王大學士楊廷麟赴贛州招集龍武軍張安等四營
聞王將由汀州赴贛欲往迎王乃以萬元吉代守吉安
明宣城諸生吳漢超兵敗于甯國初明故職方郎中
尹民興流寓涇縣與諸生趙初浣等謀應金聲據城拒
守及

大兵破城初浣死之民興走免漢超亦以南都覆棄家
走涇縣從民興起兵兵敗匿華陽山中會邱祖德麻三
衡諸兵潰保華陽有徐淮者部署之漢超與之合連取

句容溧水高淳溧陽涇太平諸縣至是襲甯國夜緣南
 城登兵潰城中捕按首事者漢超已出城念母在且恐
 累族人入見曰首事者我也剖其腹膽長三寸妻妾自
 擲樓下死同時先後舉兵者又有故青陽知縣龐昌允
 南京覆走匿九華山謀起兵事泄被執夜死旅店中溧
 陽諸生謝球一作豚故僉事鼎新子也毀家募兵兵潰被
 執死鹽城諸生司石磐與都司鄧某同舉兵兵敗被執
 鄧言此儒生吾刼之為書記耳石磐曰吾首事奈何諱
 之繫獄六十餘日與鄧偕死夜異以上皆據明史邱祖德等傳而殉節錄所載又
有太平訓導王明德兵入城偕妻赴水死惟月日不可攷附識之 二月丁亥閩中大

雨雹晝晦 明鄭鴻逵等之出師也各擁眾數千號數

萬既出關託候餉駐不行唐王屢趣之不應王乃決意出汀州入贛與湖南爲聲援鄭芝龍不欲王行令軍民數萬人遮道呼號擁駕不得前王不得已駐延平以府署爲行官吏部司務王士和疏陳時政闕失凡數千言王刊賜文武諸臣召士和入對嘉獎備至擢兵部主事未一月擢延平知府王以事殺建陽知縣施燦邵武知府吳炆煒推官朱健大學士曾櫻論救不省人情惴恐故兵部郎中王期昇御史彭遇颺自浙中遁至王加期昇總督遇颺僉都御史中旨內降大學士路振飛等封

還謂遇颺依附馬士英期昇在太湖奉朱盛徵稱通城
王派餉苛虐不可用王乃止 是月馬脛嶺兵變明唐
王遣大學士路振飛至浦城安撫之

大清命貝勒博洛爲征南大將軍率師征福建浙江

三月戊申明魯王總兵王之仁率水師駐錢唐江上會
大清兵驅船開堰入江之仁自江心襲擊鄭遵謙獲鐵
甲八百餘副謀乘勝進攻杭州不克而還 明唐王封

鄭成功爲忠孝伯掛招討大將軍印鄭芝龍有異心獨
成功不附嘗對王曰臣受厚恩義不反顧願以死捍陛
下尋復陳控守進取事宜王嘉其忠故有是命 明督

師大學士黃道周殉節于江甯報至唐王痛哭輟朝先是道周被執至江甯幽別室中囚服著書聞當刑書絕命詞衣帶間過東華門坐不起曰此與高皇帝陵寢近

可死矣監刑者從之幕下士中書賴雍蔡紹謹

輯覽二人姓名

紅本作蔡雍賴紹謹紅本卽進呈實錄也蔡雍野史又作蔡春溶

兵部主事趙士超一作

蔡士超

廣信通判毛玉潔

輯覽紅本玉作至

游擊朱家第等皆死

之道周學冠古今所至學者雲集銅山在孤島中有石室道周自幼坐卧其中學者稱石齋先生精天文厯數皇極諸書所著易象正三易洞璣及太函經學者窮年不能通其說而道周用以推驗治亂沒後家人得其小

冊自謂終于丙戌年六十二始信其能知來也

致異道周之死

釋史書于三月戊申朔臺外紀書于壬子而溫氏道周本傳及野史皆作二月初七日朱氏詩話亦云二月蓋溫氏所紀據關中聞報月日傳則據就刑月日非予看也惟明儒學案言道周以三月七日兵解疑傳中誤二字爲三字也據寒支集李世熊請郵道周疏爲通政司所格則道周二月死時尙未報也今仍據溫氏報閩之月

辛未

大清兵克吉安明總督萬元吉敗退屯皂口初崇禎末命中書舍人張同做調雲南兵及抵江西兩京已相繼失因退還吉安楊廷麟留與共守以客禮待之其將趙印選胡一青頗立功而元吉至約束甚嚴諸將漸不悅時廣東兵亦以赴援至而廷麟所招龍武新軍張安者

爲汀贛間峒賊四營之一驍勇善戰既降有復撫州功
且招他營盡降元吉以新軍足恃也蔑視雲南廣東軍
二軍皆解體然安卒故爲賊居贛淫掠遣援湖西所過
殘破及是

大兵逼吉安諸軍皆內攜而新軍又在湖西城中軍不
戰而潰城遂破元吉至皂口檄諭贛州極言雲南兵棄
城罪其衆遂西去踰月元吉退守贛州

致異吉安之破野史所載有明

職方主事郭錕死之

是月

大兵克甯州明監軍許文龍死之初降將金聲桓遣人
招降文龍不從逐我所置官吏屯兵奉鄉聲桓乘間破

甯州遂攻奉鄉圍守三月文龍糧絕走保界首砦被執
殺之 明唐王駐延平屢趣出關鄭彩不得已出屯廣
信而鴻逵在關仍託以候餉駐不行先是吏部尙書張
肯堂累疏請出兵乃加少保兼戶工二部尙書總制北
征鄭芝龍沮之不成行肯堂之孫茂滋家居華亭方以
吳淞起義師敗與肯堂故將都督汝應元亡命入閩因
言吳淞事雖不克而敗卒猶保聚相觀望倘有招之者
可一呼而集肯堂乃請王由浙東親征而已以舟師由
海道抵吳淞招諸軍爲犄角尙書曹學佺力贊之謂微
天之幸在此一舉乃捐餉一萬以速其行肯堂乃請以

故福州推官徐孚遠故吏部郎中朱永祐從行參軍事
二人皆肯堂同里領袖吳淞義師者也肯堂方奉詔行
芝龍復尼之遣其將郭必昌將步卒先發而令肯堂待
命島上必昌受命不出三關一步肯堂以數舟入海徘徊
回島上未幾而芝龍遂降于我

大清 明唐王使者陸清源至浙東魯總兵方國安縱
兵奪其餉留清源于軍中且出檄數唐王罪大學士張
國維嘆曰曲在我矣時魯王兵力孱弱而武將橫甚競
營高爵請乞無厭故庶子余煌初起禮部侍郎再起戶
部尙書皆不就至是拜兵部尙書上言今國勢愈危朝

政愈紛尺土未復戰守無資諸臣請祭則當思先帝蒸嘗未備請葬則當思先帝山陵未營請蔭則當思先帝子孫未保請謚則當思先帝光烈未昭時以爲名言清源留軍中卒不遣及國安敗自沈于江攷異野史俱言清源被殺于浙東或云爲國安所殺或云馬士英遣人殺之證之輯覽言國安敗清源沈江死殉節錄言清源以犒軍爲國安所留江防潰投江死據此則清源乃殉國難非被殺也今據之夏四月

大清兵克廣信明唐王兵部侍郎詹兆恒等死之兆恒

廣信廣豐人南都時爭逆案與馬阮有郅遂以奉命祭

告行事竣旋里及黃道周出師請加兆恒官協守廣信

而是時巡撫周定初初明史傳作仍與兵部員外郎萬文英湖

東副使胡奇偉廣信同知胡甲桂共舉兵保廣信及是
大兵克鉛山鄉官胡夢泰方授兵科給事中奉使旋里
大兵逼城下夢泰傾家募士與文英分守鉛山被圍數
月城破夫婦俱縊死文英舉家赴水死未幾廣信亦破
定礪奇偉兵敗死之甲桂

輯覽作嘉桂

從道周議城守道周

敗沒勢益孤效死不去至是被執諭降不從幽別室自
經死兆恒兵敗走懷玉山聚眾數千人自保已進犯開
化兵潰没于陣同時殉難者都司劉芳伯黃國治參將
謝良才王之樞監紀官李奇餘千知縣楊時秀兵部員
外郎戴伍儒守備陳壽陳傑總兵江天衢推官王象乾

胡珮游擊胡接輝等俱先後死又有畢貞士者貴溪人

舉于鄉同守廣信城陷赴水家人救之行至五里橋望

拜祖塋觸橋柱死

致異廣信之下事見明史詹兆恒傳而同殉之劉芳伯以下据輯覽注皆

系之黃道周兵敗

目中證之明史廣信之破在三年四月今分書之殉難官紳輯覽所載最詳然自劉芳伯以

下十三人釋史南畧皆無之殉節錄亦不具也若釋史

所載鉛山之敗有諸生唐倜陷陣死又有進士徐敬時

者與楊文李克升舉兵廣信之九仙山至甲午

之正月寨破皆被殺此又輯覽所遺附識之

明鄭 彩聞廣信之急棄不守將由建昌之新城遁入杉關初

建昌既破

事見去年七月

新城知縣譚夢開迎降民潛導守關

兵殺之兵民相殘彌月不靖唐王乃以邵武貢生李翔

諸書翔

為新城知縣翔至禽殺餘黨衆遂定然民習于

亂佃人以田主徵租斛大聚數千人譟縣廷翔潛遣義兵三百詭稱彩軍殺亂民明日復斬百餘級亂乃靖已彩兵數萬由新城遁入關會

大兵克吉安再攻撫州明永甯王慈炎求救于彩彩遣監軍張家玉以三營往援圍暫解已而復合撫州遂破慈炎死之所招峒蠻兵亦散彩奔入關家玉走新城故御史徐伯昌邀與共佐翔守城及是我兵來攻家玉出戰中矢墮馬折臂亦走入關翔與伯昌率民兵千餘拒

守我軍從間道入城民兵皆潰翔與伯昌俱死之

攷異新城

之役諸書及江西通志皆書于乙酉七月下證之明史王養正張家玉傳皆是年破廣信後事故傳中特書之

三年釋史言是年四月撫州亦破錢澄之所知錄亦云三月吉安陷四月撫州陷是翔等殉難乃在撫州再陷時也今據二書年月撫州敗問至舉朝震驚唐王命削彩職戴罪圖功

大兵自吉安乘勝直薄贛州城下明萬元吉拒守給事中楊文薦奉命湖南過贛入城留共守禦城中賴之文薦元吉門生也元吉素有才蒞事精敏及失吉安士不用命昏然坐城上對將吏不交一言隔河大營徧山麓指爲空營兵民從大營中至言敵勢盛輒叱爲間諜斬之江西巡撫劉遠生令張琮者將兵趨湖東及贛圍急遠生自出城召琮于雩都贛人曰撫軍遁矣怒焚其舟

拘遠生妻子俄遠生率琮兵至贛人乃大悔琮軍渡河
抵梅林中伏大敗還至河爭舟多死于水遠生憤甚五
月丙午朔遠生渡河再取身先士卒遇我軍被獲復逃
歸而龍武新軍在湖西潰散者聞吉安復失仍回雩都
時楊廷麟方召赴行在以吉安警留駐贛州城外至是
贛圍急廷麟遣使調廣西狼兵而身往雩都趣新軍張
安來救庚申與

大兵再戰于梅林安敗退保雩都廷麟乃散其兵入城

與元吉憑城而守

致異梅林再戰一在五月之朔一在五月之望皆据明史元吉本傳惟劉

遠生釋史作劉廣允所知錄江西通志皆同疑卽遠生也今据正史○平觀察云廣允字遠生號同菴卽劉湘

客之兄也廣九後以字

行湘客字安上可證

踰月廣東副將吳之蕃以五千

兵赴援圍漸解未幾復合城中守如初唐王聞贛圍久
獎勞之賜名忠誠府加元吉兵部尙書文薦僉都御史

乙丑

大清征南大將軍貝勒博洛等至杭州時明魯王諸軍
列營錢唐江東岸綿亘二百餘里熾舟江上以待

大兵未具舟楫不能渡忽江沙暴漲水淺可涉壬申

大兵策馬徑渡魯總兵方國安拔營走紹興江上諸軍

悉潰

大兵克嚴州明魯王總兵顧勳死之

攷異諸書皆記

大兵渡江于六

月之朔蓋連取紹興彙記也輯覽言五月二十日貝勒抵杭城二十七日渡錢唐江六月初一日克紹興皆據

本朝實錄報捷原奏也乙丑卽二十日

時明魯王

壬申卽二十七日克嚴州據航海見聞增

方加孫嘉績熊汝霖皆以大學士督師而餉終不給乃以眾付職方主事黃宗羲御史王正中領之合軍得三千人正中爲之仁之從子故不乏食太僕卿陳潛夫尙寶卿朱大定兵部主事吳乃武查繼佐等各募數百人來附會水師議起諸軍議由海甯取海鹽入太湖百里之內牛酒日至整軍抵乍浦約崇德義士孫真爲內應俄而江上師潰正中敗歸餘皆散去宗羲結寨四明山從者尙四五百人而山民畏禍焚其寨部將茅涵汪翰

死之宗義乃走剡中 明唐王殺魯使者都督陳謙先是謙奉使入閩久駐衢州唐王御史錢邦芑劾其久住三衢徘徊閩浙之界以舉足左右爲重輕比至遂下之獄謙故與鄭芝龍有舊南都封芝龍南安伯謙齎詔往至是芝龍力爲申救而王以謙進見仍執二王敵體禮稱皇叔父銜之芝龍入見請以官贖謙死王與語久留不出過期則謙已斬矣芝龍伏尸哭之哀厚斂之自此芝龍益懷異志 六月丙子朔

大兵克紹興先是方國安走紹興卽挾魯王南行而是時馬阮方在國安軍與國安計獻魯王來降遣人守之

會守者病王得脫走台州航海去丁丑兵部尙書余煌
赴水舟人拯起之居二日復投深處乃死時先後殉難
者大理寺少卿陳潛夫走至山陰化龍橋偕妻妾二孟
氏同赴水死職方主事高岱絕粒祈死子朗知父意不
可回先躍入海中死數日岱亦死兵部主事葉汝楨偕
妻王氏居桐塢墓所竝赴水死魯王之去也命大學士
張國維防遏四邑圖後舉國維還守東陽知勢不可支
作絕命詞三章赴水死禮部侍郎陳函輝從王航海已
而相失哭入雲峰山投水死諸生諸暨傅日炯鄞縣趙
景麟山陰朱瑋浦江張君正等皆殉義死而魯總兵王

之仁者自沈其妻妾械至江甯不屈死

攷異以上殉江

明史朱大典及韓覽分書之蓋曾稽之潘集山陰之周

卞年皆係去年與王統著等同殉者故韓覽不入紹興

殉難中惟漏去山陰朱瑋今據明史補又殉節錄所載

有布衣倪文徵山陰人爲蒙師紹興破掘坎坐缸中自

瘞死竝見釋史補南畧所載有通政司吳從魯不薙髮

死故山西僉事鄭之尹沈水死卽遵謙父也又有會稽

諸生方炯赴水死蕭山諸生楊雲門自縊死溫氏釋史

所載有故御史何宏仁追扈監國不及過關山嶺書絕

命詞衣帶間投戾死故太常博士李山在吳中絕粒死

主事謝震龍被執不屈死野史所載又有蕭山沈八

九張鋸匠會稽鍾皂隸之屬皆被執不屈死而結埼亭

集有明錦衣徐啟睿墓柱銘言啟睿鄞縣人少負才任

氣喜爲俠烈之行尤嗜擊劍卧起常佩之以謾罵不爲

時所容棄爲僧甲申之變哭七日夜不絕聲踰年南都

再陷杖劍趨督師錢肅樂營肅樂請于監國授以錦衣

衛指揮不拜自稱白衣參軍見江上諸軍不出數謾罵

一日晨起佩劍集其麾下徑自東岸渡江直薄西岸殺

過半乃亟出鏡師令生致之未幾長圍四合啟磨力竭
陷泥淖中遂被執諭之降則謾罵乃殺之剗其腹實以
草懸之江門監國聞之震悼令以原官加贈都督其子
世襲指揮招魂葬之又婁秀才窆石志言江干之破象
山婁文煥正衣冠哭謝先聖廟及祖祠欲投縋家人環
哭止之兀立海濱沙上有頃潮大至浮海死據此則亦
江干之敗前後事也又諸書言禮部侍郎王思任不
食死明季遺聞則云入雲門山數月卒今竝識之

明魯王之航海也督師大學士孫嘉績方治水師聞江

上之敗急還會稽則王已登舟嘉績遂泛海入翁洲時
疽發于背至翁洲尙書錢肅樂已先至視嘉績疾相向

哭嘉績尋賦絕命詞語其子延齡曰倘聞王所在宜亟

從之語畢而卒叛異据全氏外集孫公傳言行至翁洲卒于道隆觀時六月二十四日也据此

則嘉績之卒正王之元妃張氏者在會稽其父張國俊
在是月竝入之

頗豫政妃脫簪待罪至是江上失守王自江入海保定

伯毛有倫扈宮眷自蛟關出期會于舟山道逢叛將張

國柱劫張妃北去中途自刎死張妃之死據吳興

海上見閩紀並言張妃被劫而魯春秋江東閩位紀舟

山紀畧諸書皆言魯王之出妃再拜辭曰勿以妾故為

主上累遂手碎磁盆自刎死又野史言却之北去者乃

官妃周氏非張氏也亦中途自刎死今按全氏舟山宮

井碑亦言張妃被劫次妃陳氏在副舟中伏荒島數日

張肯堂遣人護之得達長垣辛卯舟山之役安洋將軍

劉世勳議分兵先送官眷時陳氏已冊元妃傳諭辭曰

將軍意良厚然蠟灘鯨背之間懼為奸人所賣則張妃

之續也據此則張妃被劫之語疑

得其實今揭之陳妃之死別見後

大兵渡江遣人招撫浙東諸大郡時明督師大學士朱

大典殺我招撫使不降故御史傅巖家在義烏為強宗

請盡以子弟赴援大典部將吳邦璿何武驍勇善戰而方國安方降于

大清銜爭頒詔之怨導

大兵以大礮攻城城中亦以火礮禦之攻圍三月

大師至日衆守者漸疲紛投坑塹城遂崩大典子萬化尙巷戰力盡被執大典麾其愛妾幼子及萬化妻章氏投井邦璿曰城中火礮尙多不可資敵盍焚之爲吾輩死所大典已袖火繩待之環坐庫中賓從侍者二十餘人大典聞萬化死卽命從者舉火頃刻礮發聲如地震大兵入城則大典闔門燼焉巖還至義烏被執與子齡

熙齡發竝不屈死邦璿妻傅亦死都督蔣若來先焚其
妻子巷戰經日力竭自刎死故吉安同知葉向榮家居
金華城陷投向村厓死歿巖至義烏死據全氏朱大
典事狀而殉節錄並載其子二
人同死之蔣若來榮向榮据殉節錄及釋史增錄中又
有金華訓導潘大成新昌人城破父子死之南畧有武
進人鄭邠館大典家亦死並附識之○又按金華之役
在渡江下紹興後故輯覽及諸書同系之六月中原全
氏事狀中言攻圍三月似下金華富在秋間也今據輯
覽圍城之始書之又殉節錄有故編修徐復儀浙東破
奔蹲山投空谷死一云拒抗死其地方月
日不可攷疑亦浙東破前後事也附識之時方國安之
父方逢年俱降于我

大清而阮大鍼在國安軍亦偕故太僕卿謝三賓等赴
江干降遂從我軍攻衢州出仙霞關閩中震動鄭芝龍

假言海寇入犯請往備禦拜疏卽行盡撤兵回安平守
關將士隨之仙霞嶺二百里間遂空無一人 是月

大兵復討太湖平之初吳易之敗也太湖中之舉事者
潛謀應援于明之唐魯間是春易鄉人周瑞復聚兵于
長白蕩迎易人其營至是

大師入閩分兵靖湖寇會易以輕舸潛出武塘爲游騎
所獲遂與瑞竝執至杭州草橋門戮之易總兵程槐沈

茂及職方主事倪曼倩監軍道朱世昌通判馮時敏馮

一鷺俱死焉

國史楊文驄傳言易兵敗被執在是年八月諸書所載皆云六月證之東華錄

浙閩總督張存仁奏太湖逆黨吳日生主事倪曼倩俱被獲日生卽易也原奏六月與獲馬士英同在一奏中

據此則明史八月字疑六月之誤也輯覽亦系之六月目中今從之

秋七月乙巳朔明

魯王次海門石浦富平將軍張名振遣使迎正謀入翁洲時總兵黃斌卿守舟山名振遺書勸迎王不聽故職方郎中荆本澈時總督蘇松自松江航海從王爲斌卿所襲與其子元相全家死之是月

大清兵克衢州先是明兵部侍郎楊文驄奉唐王命提督軍務以圖南京比衢州告急王命與誠意伯劉孔昭赴援

大兵至文驄不能禦城遂破巡按金衢二府兼視學政王景亮衢州知府伍經正推官鄧巖忠皆不屈景亮巖

忠自經死經正赴井死鎮將永豐伯張鵬翼及伯吳凱

總兵項鳴斯等没于陣

歿吳凱項鳴斯二人諸書皆不見此据輯覽增入

江山

知縣方召集父老告之曰兵且至吾義不可去然不可

以一人故致合城被誅若輩可迎附遂封其印冠帶自

縊死文驄敗走爲追騎所獲與監紀職方主事孫臨俱

不降被僂明宗室朱盛濃朱誼石皆死之而鵬翼弟鵬

飛季熊皆戰没于浙東時稱張氏三忠云

歿吳克衢州諸書系之六

月今据輯覽明宗室二人据東華錄貝勒奏報之文雖

野史所載亦多歧異而盛濃後從桂王豈又一人耶抑

奏報偶誤耶始据書之

大兵由紹興間道奪盤山克温州明副將周茂戰沒故

太僕寺卿王瑞柘方督餉温州避入山尋有薦之仕者
乃辭家廟入室自經死瑞安諸生鄒欽堯永嘉諸生鄒
之琦皆死之故明尙書顧錫疇罷歸唐王起故官不赴
寓居温州江心寺總兵賀君堯撻辱諸生錫疇將論劾
君堯使人殺之投其尸江中三日溫人得而斂之時又
有唐王職方主事監軍道王之杖奉王命宣諭江上至
永康遇

大兵被執不降死尋克台州明守將李唐禧張廷綬兵

敗死

阮興廷綬唐禧之死見全氏都督張公行狀諸書
不載而野史謂唐禧投降誤也全氏屢述唐禧

難事當不
誤今據增

馬士英之至浙東也以方國安同鄉依之

而阮大鍼先投朱大典軍中爲金華士民所逐亦送之國安嚴州營大鍼日掀髯指掌談兵事國安喜甚而士英以南都之壞半由大鍼而已居惡名頗以爲恨已士英助國安渡江窺杭州

大兵擊敗之溺死者無算士英不得志又欲擁殘兵入閩唐王以罪大不許至是江干師燬

大兵靖湖遂與吳易同被禽竝士英總兵趙體元俱斬之會大鍼導

大兵攻仙霞關聞之懼僞仆石上死或曰士英遁至台州山寺爲僧爲我兵搜獲遂降尋唐王走順昌

大兵搜龍扛得士英大鉞及國安父子通閩疏遂駢斬
 士英國安于延平城下大鉞方遊山自觸石死仍僂屍
 云國史此二說俱見明史奸臣傳其前說云據國史
 若或說則據東華錄所載張存仁原奏似為僧之說
 近實蓋以六月獲七月伏
 誅也今仍据明史書之
 八月甲申

大清兵克建甯時唐王總兵鄭鴻逵駐關外聞兵至徒
 跣疾走三日而抵浦城王聞之削鴻逵爵

大兵至仙霞嶺關門無一守兵遂從容過嶺長驅直入

輻覽 大兵入關者或由建或由汀或由
 由福甯俱走山谷間不必定由仙霞嶺也 先是浙閩以

爭頒詔之嫌欲遣使而難其人魯職方主事倪懋燾請
 往果稱旨唐王留之命以僉事分守建甯時鄭芝龍盡

取閩中兵餉歸于己道標故有兵千人至是一空懋熹

捐俸爲餉以募兵我軍猝至一戰不支全軍盡沒懋熹

死之從者十八人僅脫其一

歐陽倪懋熹殉難于建甯諸書皆不見此据全氏倪

僉事墳版文且言建甯之破在丙戌八月十一日正

大兵出關時也今据之

甲午明唐

王自延平出奔先是鄭芝龍去羣情益離沮王視朝命

內侍出一篋示羣臣曰賴諸卿擁戴越在海隅布衣蔬

食曉夜焦勞祇是上爲祖宗下爲百姓無負卿等立君

之意昨關上主事搜得閩中出關迎降書二百餘封今

具在此吾不欲知其姓名令錦衣衛對衆焚之卿等宜

無負初終也已仙霞關敗問至王決計赴贛曾何騰蛟

遣郝永忠來迎至是欲之韶州道阻遂倉猝出奔留兵
部侍郎曹履泰偕延平知府王士和居守猶載書十餘
簾自隨遂走汀州 乙未

大兵克浦城先是唐王命御史鄭爲虹巡視仙霞關駐
浦城尋命巡撫上游四府兼領關務及

大兵入關爲虹亟還浦城縱士民出走自守空城兵至
被執與給事中黃大鵬竝死之大鵬建陽人唐王以仙
霞關要地欲令閩人守之乃以大鵬佐爲虹守關至是
亦被執不屈死時閩中故巡撫楊廷清李暄俱被獲見

誅國史爲虹大鵬之死竝見明史本傳而南畧所載有
故浦城千戶張萬明與其子翔鸞及都督洪祖烈爲

虹之僕陳龍俱殉焉祖烈竝見殉節錄云從王出死于浦城其楊廷清李暄二人野史不載惟輯覽系之克浦城目中證之東華錄貝勒奏撫楊廷清李暄則二人亦殉難于浦城者也今參輯覽

書

丁酉

大清兵克延平明知府王士和死之唐王旣奔士和居守俄警報疊至士和召父老曰吾雖一月郡守當與城存亡若輩可速去毋使數萬生靈盡膏斧鑕衆泣士和亦泣退入內署謂友人曰吾一介書生數月而忝二千石安敢偷生其友人勸止之正色曰君子愛人以德姑息何爲從容正衣冠閉戶投繯死時唐王抵順昌聞追兵將至騎而奔庚子王至汀州 辛丑

大兵克汀州閩中從官奔散唐王與妃曾氏俱就執曾妃行至九瀧投于水唐王卒于福州明曲陽王盛渡西

河王盛淦松滋王演漢西城王通簡俱死之

歐陽史紀畧唐王

以是月丁酉自延平出奔乃

大兵克延平之月日

也王以八月二十一日自延平出奔

二十四日至順昌

二十七日抵汀州而

大兵已隨其後故二十四日

克延平二十八日克汀州執王至福州野史所記皆同

而輯覽月中言八月二十一日自延平倉卒出走則据

紅本奏報之月日尤得其實今日分皆參正史野史書

之總兵忠誠伯周之藩追護王子汀州巷戰矢集其身

而死

大兵之至延平也偵知明唐王將由汀州趨江右乃遣

降將李成棟領兵邀截貝勒自統兵徑取福州破明總

兵師福于分水關陷崇安明巡撫楊文忠被執死遂薨

福州克之明唐王禮部尙書曹學佺衣冠自縊死通政

使馬思理自縊不死尋入魯

陔異馬思理後爲魯王大

學士野史言其詐死遁去

三編輯覽則書其與曹佺同死平觀察云馬思理實不預于福州之難而据傅氏明書及李世熊寒支集皆言其後事魯王報命無期望闕殉節則其終于一死不可誣也增識于此兵科給事中郭符

甲戰敗身被數劖死給事中熊緯扈唐王至汀州聞難

奔赴遇大軍死之都督僉事胡上琛亦從至汀州王被

執上琛奔還福州語家人曰吾世臣不可苟活爲我採

毒草來妾劉年二十請同死上琛喜遂整冠帶與劉共

飲葯酒卒

陔異福汀之下据殉節錄所載百戶閔時扈王追及之守麓奉門矢洞留死遊擊張兆鳳

守備李國英皆戰沒于汀州里居則莆田舉人林說林曾賓福清舉人林化熙卓震福安舉人繆士珦侯官貢生元綸又南畧所載有鄧文昌者甯河王之後裔與曾樓留守福州死之釋史所載有部郎賴垓又御史王國翰父子隨駕死故尙書姜一洪追扈王行至贛州之木榔菴聞難投江死是月明督師楊

廷麟萬元吉敗于贛州贛圍旣久唐王遣尙書郭維經御史姚奇允赴援沿途募兵得八千人元吉部將江起龍率師數千雲南援將趙印選胡一青帥師三千大學士蘇觀生遣兵如之兩廣總督丁魁楚亦遣兵四千廷麟又收集散亡得數千于是各路援兵先後集諸將欲戰而元吉欲待水師至時中書舍人袁從諤募砂兵三千吏部主事龔芬兵部主事黎遂球募水師四千皆屯

南安不敢下主事王其竝謂元吉日水師帥羅明受海盜也桀驚難制蔡等若慈母之奉驕子且今水涸巨舟難進豈能如約不聽至是

大兵聞水師將至卽夜截諸江焚巨舟八十死者無算明受遁還舟中火葯戎器盡失于是雲南兩廣軍不戰而潰他營亦稍稍散去城中僅部卒四千餘人城外僅水師後營二千餘人參將謝志良擁衆萬餘雩都不進廷麟所謂廣西狼兵八千亦踰嶺不卽赴會聞汀州破人情益震懼給事中搗重熙謀攻撫州不克中軍洪深死之湖東援亦絕 九月辛亥

大兵入泉州明總兵鄭芝豹方入城索餉聞

大兵至遂走安平故大學士蔣德璟方家居病聞變憂

憤卒

國朝諸書皆言德璟見鄭師逗留自請行關偵察及至見事無可爲告病去至是聞變絕粒卒證之

明史本傳言德璟以足疾辭歸九月閩事敗而德璟適病篤遂以是月卒按大兵下泉州在九月則德璟

之卒蓋亦憂憤而死溫氏所記閩中殉難亦無德璟名而朱氏詩話或傳其吞金而死今仍據明史本傳書之

先是上杭流寇蜂起里之舉人李魯受唐王職方主事

撫定之聞王將至汀趣汀帥周之藩往迎駕及汀州敗

問至魯避入福員山至是貝勒招降魯不從上杭民執

之以獻椎心泣血絕吭而卒時諸生鄒家善聞之亦輟

食自縊死

陔異南畧

大兵下泉州在九月八日卽辛亥也魯之死見殉節錄言隱于福員山邑

令強之仕椎心泣血絕吮卒與李世熊寒支集職方本
傳大畧相同而鄒家善聞其死輟食自縊竝見傳中家
善錄中作宗善據傳言魯死于九月初五日則正
大兵破汀州之後下泉州之前事也今據之

是

月明叛臣鄭芝龍自安平奉表降于我

大清 冬十月丙子

大清兵克贛州時贛城圍久守者疲甚

大兵用嚮導夜登城鄉勇猶巷戰黎明兵大至城遂破

明督師大學士楊廷麟走西城投水死

輯覽紅本作城上見殺

兵

部尙書萬元吉之守贛也禁婦女出城其家人潛載其

妾縋城出元吉遣飛騎追還捶其家人故城中無敢出

者及城破部將將擁元吉出城元吉嘆曰爲我謝贛人

使闔城塗炭者我也我何可獨存遂赴贛江死吏部尙

書郭維經入嗟峨寺自焚死巡按御史姚奇允自經于

文厝御史楊文薦病困不能起執送南昌絕粒卒湖西

兵備僉事彭期生先駐吉安吉安不守走贛州偕廷麟

招降張安等加太常卿仍視兵備事城破冠帶自縊死

一時同殉者職方主事周瑚被磔死編修兼兵科給事

中萬發祥吏部主事龔棻戶部主事林琦兵部主事王

其竄黎遂球柳昂香魯嗣宗

一作曾嗣宗
一作魯嗣宗

錢謙亨中書

舍人袁從鶚劉孟錡劉應試推官署府事吳國球監紀

通判郭甯登通判王明汲臨江推官胡縝

國史
楊廷麟傳則

胡纘乃殉潁州之難者故王養正傳不入六君子之數以爲失其姓名殉節錄兩存其說此仍據明史書之
潁縣知縣林逢春皆被僂鄉官盧觀象盡驅男婦大小入水乃自沈死舉人劉日佳偕母妻弟婦子姪同日死
參將陳烈數力戰衆以其弟已降疑之烈益奮勇疾鬥及見執不屈顧謂潁人曰今乃知我無二心也遂就僂
又通判涂君鼎副將馬觀鵬參將朱永盛兵部主事於斯昌訓導程必進中書龍嘉震湖東道姚生文推官吳世安等俱不降死時東鄉安仁貴溪瑞州餘千萬年俱聚兵遙應閩中

大兵分道進勦故明文武官之死者東鄉有副將傅潛

龍參將黃騰都司文而武守備劉威振等安仁則有參將傅鼎乾都司徐德守備洪士邦等貴溪則有總兵陳輝汪碩畫副將汪洋監紀廖汝健等瑞州雞公嶺棠山

一帶則有副將黃英都司敖高參將晏性等餘于則有

都司趙祖參謀舒奇謀等皆先後殉焉

頤興自陳烈以上竝見明史楊

萬諸人傳而佚去通判王明汲今據輯覽增竝增入涂君鼎以下八人而殉節錄所載涂君鼎次子宏裕三子宏祐俱見殺孫關生秀貞及妻熊氏子婦熊氏李氏婢呂氏瑞香俱赴井死馬觀鵬方乞假歸娶事急請堅守力戰死妻譚氏未婚矢節黎遂球之弟遂珙同死之王其竝之兄其隆亦死之姚奇允之子端後亦死節于柳州又入祠士民有零陵生員唐周慈從萬元吉守賴城死布衣楊文奇從楊廷麟守賴城死賴州紳士月世光謝墳楊萬言孫經世徐餘慶郭其昌聶邦晟董讚謝明登馮復京楊麗天徐孝義金之杰又劉日任之子良茲

良期皆從日佺死李氏釋史拙遺所載又有都督僉事
劉天駟雋都訓導胡董明而葺邦晨之子士續士煥合
門殉焉里居則薦授萬州判官周世光疑殉節錄月字
誤也攜幼孫赴水死謝瓚之死其子允繡從于允斗殉
焉諸生余學義疑卽徐學義隊陽麗天疑卽楊襲天與
諸生董肅卿馮復京咸率母妻子女死之諸生郭必昌
疑卽郭其昌也哭三日夜偕妻死之又金之杰巷戰力
屈孀妻赴水死王統王純入文廟自經死周葵陳君猷
植薪自焚死鄉約謝明登攜妻子投井死書工趙廷瑞
亦自盡又孫經世之死其弟緯世絃世俱殉焉又流寓
段之渾新喻諸生蕭瑛甯都楊燧殉節錄言殉于甯都
之

丙戌故明桂王由榔始監國于肇慶初王居梧

州桂王常瀛及子由稷相繼薨

事見崇禎十七年十一月王當襲爵

議遣使至閩請冊封桂王及汀州變聞兩廣總督丁魁

楚廣西巡撫瞿式耜巡按御史王化澄與舊臣呂大器

議奉王監國母妃王氏曰吾兒不勝此願更擇可者魁
楚等議已決遂合謀迎王子梧州監國肇慶是日卽位
以魁楚爲東閣大學士大器式帮俱大學士兼兵部吏
部尙書自化澄以下皆進官有差

國興明史桂端王傳
言南都卽在籍尙書

陳子壯等將奉桂王常瀛監國會唐王自立于閩中遂
寢是年王薨于蒼梧据此則端王以順治二年卒而三
編特書于甲申十一月据本朝實錄改正也錢氏
所知錄言乙酉閏六月唐王卽位封安仁王爲桂王安
仁卽由稜也据此則南都之亡子壯等所欲擁立者乃
安仁王證之明史翟式帮傳亦云議立桂端王子安仁
王監國則端王卒之在前一年明矣所知錄又言永明
王聞報警自肇慶返梧州未一月安仁薨賴圍在是年
五月安仁之卒疑五月後事永明以弟後兄遂卽桂王
位故聞唐王之卒賴亦旋破因謀監國也今据書之

辛卯

大兵克漳州明福建糧道參議傅雲龍漳州同知金麗

澤龍溪知縣涂世名等死之世名子常吉及僕黃薛黃

揚王亨蔣三皆殉焉同時下興化知府劉永祚死之永

祚故殉難御史熙祚弟也版圖南畧言雲龍麗澤已降

云且事見福建通志今與涂世名並入死事中本朝俱賜謚節愍

大兵之下福建也官吏之殉明者閩清知縣陳其禮被

執不屈死子龍玉子婦吳氏壻徐應宜皆殉焉男女死

者十五人浦城訓導王兆熊城破入山寺不食死建陽

知縣崔攀龍拒守死都督同知傅啟耀城破全家死把

總張天威赴援漳浦力戰死里居則故中書舍人鄭羽

儀閩縣人故懷遠知縣江振鵬

不食死

及子白龍懷龍泰

甯人戶部主事劉之謙上杭人故處州知府汪宗明

初名

景宋投水死

及其中子載泉州人故贛州教授黃廷柱歸化

人北向再拜死

舉人陳鼎泉州人進士吳煌永定人廩生張

璇光同安人

投井死

布衣趙宗人侯官人江豫江復泰甯

人兄弟同死節

李上林陳颺言長樂人皆殉城死又有徐英

者侯官人以負販爲生後折節讀書城破不食卒又永

豐人劉景瑗寓居浦城城破自縊于泮宮

敵巢以上皆據殉節錄又

野史所載有永嘉趙子章汀州陳若水閩縣民趙卯等錄中不見附識之

丁酉明魯王自

丹山入閩王之至丹山也黃斌卿不納會故將鄭彩至

與張名振謀乃以其兵扈王入閩 十一月甲辰明故
唐王大學士蘇觀生擁立唐王弟聿錡于廣州初觀生
奉唐王命赴贛州以兵餉不繼不能出師贛州被圍觀
生走南康發三千人助守贛已而贛破三千人皆引去
時觀生移駐南安閩中急不能救及汀贛連破觀生退
入廣州監紀主事陳邦彥勸觀生疾趨惠潮扼漳泉兩
粵可自保觀生不從會丁魁楚等議立永明王觀生欲
與共事魁楚拒不與呂大器亦叱辱之適聿錡與大學
士何吾騶至南海關捷先番禺梁朝鍾首倡兄終弟及
議觀生遂與吾騶及布政使顧元鏡侍郎王應華曾道

唯等擁立聿鏞稱號紹武就都司署爲行官卽日封觀
生建明伯掌兵部事進吾騶等秩擢捷先吏部尙書旋
與元鏡應華道唯竝拜東閣大學士分掌諸部時倉卒
舉事治宮室服御鹵簿通國奔走夜中如晝不旬日除
官數千冠服皆假之優伶云反異諸書皆作是月初五日立唐王弟聿鏞初五日
乃丁未也明史蘇觀生傳作初二日蓋甲辰也今據明史庚申明桂王稱號于肇
慶先是王旣監國會

大清兵破贛州司禮太監王坤

輯覽王坤卽王肇基崇禎時監餉宣府甲申之

難奔南京福王敗復入閩唐王不用又走告王遂奉王
入粵事永明王命掌司禮監遂擅政事

倉卒奔梧州瞿式邦等力爭不得時蘇觀生已遣陳邦

彥奉表勸進甫至梧謁桂王而觀生在廣州別議立唐
王聿錡邦彥不知也夜二鼓桂王召入舟中丁魁楚侍
語以廣州事邦彥亦以天潢之序宜屬桂王乃請亟還
肇慶正大位以繫人心調南雄勁卒取韶制粵東十郡
之七而以其三委之聿錡使代受敵然後從而承其敝
桂王大悅魁楚式耜等乃定議奉王還肇慶至是遂稱
尊號改元永曆以明年丁亥爲永曆元年頒詔中外遣
給事中彭耀主事陳嘉謨齋敕往諭唐王聿錡耀至廣
州以諸王禮見備陳宗支倫序及監國先後語甚切至
因歷詆觀生諸人觀生怒執耀殺之嘉謨亦不屈死卽

日發兵攻擊慶以番禺人陳際泰督師 癸亥明故大學士傅冠避居泰甯爲

大兵所獲執至汀州不屈死之初唐王以江西之警命冠督師辦湖東兵事及瀘溪告急冠不能救爲給事中揭重熙所劾或又言其嗜酒乃許致仕冠進賢人聞

大兵連下吉顛走匿泰甯門人汪亨龍家亨龍竟執以獻冠衣冠南向拜曰臣負國無狀死不足贖復西向拜曰祖父暴骨惟冠之率引頸受刃血漬地久而猶鮮行人過者無不掩涕踰年其子始乞骸骨歸合身首斂葬之

致異事見明史本傳而其受刑于是年十一月二十一日見李氏寒文集卽癸亥也今據書之

丙

寅明魯王至廈門時王之舊臣從者兵部尙書熊汝霖翰林院編修張煌言石浦鎮將張名振以扈從功晉封定西伯與永勝伯鄭彩左右王而是時鄭芝龍已謀降附密令彩執王歸命彩不可乃匿王以南夷貌類者服王冠服居舟中語守者曰苟事急則縊以示之芝龍之叛唐也其子招討使成功獨不可時方屯師廈門以前頒詔之隙致寓公之敬于王而不爲用于是彩復奉王走南澳 十二月癸酉朔故明唐王招討使鄭成功起兵于南澳仍稱明年丁亥爲隆武三年于是魯王復移次長垣 甲戌明桂王兵部侍郎林佳鼎敗績于三水

廣州之攻肇慶也王遣佳鼎禦之于三水佳鼎故粵中

監司與林察同姓相善察使羣盜詐降佳鼎信之乘勝

追至三山口亂作全師皆覆佳鼎同僉事夏四敷赴水

死致異王夫之永歷實錄又有水師游擊將軍管燦並議之時肇慶大震瞿式耜視

師峽口以王化澄爲兵部侍郎代佳鼎尋晉尙書起前

巡撫李永茂爲大學士未幾罷致異三水之敗据明史蘇觀生傳書十二月二

日卽甲戌也南畧引粵事記則云紹武立學臣林佳鼎

位總憲行大司馬事提兵西上三水欲侵肇慶瞿式耜

出東峽設炮禦之遂殲佳鼎偵者訛傳式耜敗肇慶震

驚永麻復奔梧州据此則佳鼎乃紹武臣且勝負各異

竝誌之以俟攷云云按計氏所引粵事記卽風倒梧桐

記也蓋傳聞之異詞耳然据臺灣外紀佳鼎後歸齋成

功東明聞見錄亦有佳鼎不知所在或曰與四敷同

死云云是佳鼎之死亦似未確今仍据史書之俟攷

丁亥

大清兵克廣州明唐王聿錫死之先是蘇觀生敗肇慶之師意自得務粉飾爲太平事而委任關捷先及梁朝鍾捷先小有才便筆札朝鍾善談論浹旬三遷至祭酒有潮州人楊明競者好爲大言詭稱精兵滿惠潮間可十萬卽特授惠潮巡撫又有梁鑒者妄人也觀生才之用爲吏科都給事中與明鏡大納賄賂前後薦用數十人觀生本乏猷畧兼總內外任益昏瞽招海盜資捍禦其衆白日殺人懸肺腸于貴官之門以示威城內外大擾時

大兵自福建趨潮州惠州皆下之長吏皆降附卽用其
印移牒廣州報無警觀生信之是日唐王聿錫方視學
百僚咸集或報

大兵已逼觀生叱之曰潮州昨尙有報安得遽至此矣
言惑衆斬之如是者三我軍已自東門入觀生始召兵
搏戰兵精者皆西出倉卒不能集觀生走梁鑿問計鑿
曰死爾復何言觀生入東房鑿入西房各拒戶自經觀
生慮其詐稍留聽之鑿故扼其吭氣湧有聲且推几仆
地久之寂然觀生信爲死遂自縊明日鑿獻其屍出降
朝鍾聞變赴池遇救出復自經死唐王方事聞射亟易

服踰垣匿王應華家俄絕城走爲追騎所獲饋之食不

受曰我若飲汝一勺水何以見先人地下投繯而絕明

益王周王等皆遇害

版異詳覽周益遼等凡二十四王皆遇害

何吾騶王應

華等悉降惟故袁州知府霍子衡一門死之子衡南海

人唐王立召爲太僕卿至是聞廣州不守乃召妾莫氏

及三子應蘭應荃應芷語之曰禮臨難毋苟免若輩知

之乎三子皆應曰惟大人命子衡拔筆大書忠孝節烈

之家六字懸中堂易朝服北向拜又易緋袍謁家庶先

赴井死妾從之應蘭偕妻梁氏及一女繼之應荃應芷

偕其妻徐氏區氏又繼之惟三孫得存有小婢見之亦

投井死未幾龍門破里居故新城知縣廖翰標以二幼

子託從父從容自經死番禺破行人梁萬爵曰此志士

盡節之秋也赴水死

丁酉明桂王復奔梧州

改異丁酉是月

二十五日也南畧及諸書皆同惟輯覽目中作二十二日時司禮王坤用事銓政軍

務任意傾倒數以內批授官諸臣爭之不聽給事中劉

瓚疏劾坤幾得罪大學士瞿式耜力救乃免及是聞廣

州破肇慶大震式耜請駐峽口禦之坤不從以肇慶知

府朱治澗爲兩廣總督守肇慶王遂駕輕舟西上駐梧

州 是月

大清兵至順慶張獻忠伏誅初獻忠謀走川北是春明

參將楊展等盡取上川南地屯嘉定與洪雅松茂諸軍
相爲聲援而督師王應熊在遵義巡撫馬乾在重慶部
將王祥曾英皆宿重兵賊勢日蹙惟保甯順慶爲賊將
劉進忠所守進忠又數敗獻忠怒遣孫可望劉文秀王
尙禮狄三品王復臣等攻川南郡縣應熊與巡撫樊一
蘅急令展及副將侯天錫游擊馬應試等連營犍爲敘
州以禦之賊連戰不利英及祥乘間趨成都獻忠立召
可望等還會

大清兵入蜀境獻忠將北走欲盡殺川中兵于是進忠
懼遂奔我軍于漢中請降乞爲鄉導是秋獻忠棄成都

走順慶入西充之鳳皇山進忠偵得之導入山至鹽亭
界天大霧獻忠曉行猝遇

大兵于山坡中進忠與善射者俱指示之以一矢中其
額墜馬蒲伏積薪下于是我兵禽獻忠出斬之降及敗
死者二三十萬其黨僞平東將軍孫可望僞安西將軍
李定國僞撫南將軍劉文秀僞定北將軍艾能奇僞都
督白文選馮雙禮等俱潰走川南時故明川中諸將自
王應熊以下競擁兵自固重慶曾英兵最強可望等率
殘兵驟至英出不意戰敗沈江死賊遂陷綦江應熊退
走永甯山中尋卒于畢節衛明桂王乃以大學士呂大

器盡督西南諸軍代應熊賜劍便宜從事

明通鑑附編卷四

江西永甯知縣當塗夏燮編輯

附記四

起疆圍大淵獻盡
著雍困敦凡二年

大清順治四年春正月癸卯朔明大學士瞿式耜聞桂王在梧州趨赴之而是時王聞

大兵方西取肇慶復越梧州而西遂走平樂未幾

大兵克肇慶明總督朱治澗棄城走復遣別將徇高雷

二府進逼梧州時王欲幸楚依何騰蛟而王化澄走潯州丁魁楚走岑溪皆棄王去惟式耜及兵部尙書吳貞毓侍郎吳炳從焉癸亥王由平樂奔桂林辛未

大兵克梧州廣西巡撫曹煜降蒼梧知縣巫如衡死之
如衡故南海丞廣州之陷如衡奔肇慶告急因扈桂王
至梧州尋命署蒼梧縣事至是梧屬官吏悉上印綬及
尺籍如衡獨持印不予曰朝廷以此屬我身當殉之再
三諭不屈遂遇害時明湖廣總督何騰蛟遣湖南道副
使陳象明徵餉廣西至則廣東地盡失象明乃徵調土
兵與陳邦傳連營東至梧州溶樹潭遇

大兵戰敗死之

攷異梧州之破釋史系之正月乙丑諸書皆作二十九日蓋辛未也如衡殉難

見殉節錄有懷印不納語與寒支集巫丞傳同證之東明聞見錄是時蒼梧知縣爲萬思夔後遁去意巫衡時以思夔遁因兼攝縣事也今據傳書之

是月明魯王在長垣以熊汝霖

爲東閣大學士張煌言右僉都御史馮牙誓師時故提督楊耿總兵鄭聯以兵來會進鄭彩建國公張名振定西侯耿同安伯聯定遠伯故將周瑞閩安伯周鶴芝平夔伯阮進蕩湖伯又以前僉都御史劉中藻爲兵部尙書兼東閣大學士初中藻奉唐王命頒詔浙東還至金華朱大典薦其才遂命巡撫金衢閩事敗中藻入括蒼攻慶元壽甯泰順福安甯德古田羅源七縣守之至是率衆歸魯遂有是命 獻賊餘黨孫可望等陷遵義入貴州境時

大清兵追至重慶明故巡撫馬乾敗死遂入遵義以餉

乏旋師于是明故將王祥等復取保甯二郡故明總督樊一蘅再駐江上爲復窺全蜀計乃列上善後事宜及諸將功狀于桂王王拜一蘅戶兵二部尙書加太子太傅祥及侯天錫等俱進爵有差時王應熊已卒而明故宗室朱容藩故偏沅巡撫李乾德並以總制至楊喬然江爾文以巡撫至各自署置官多於民諸將袁韜據重慶于大海據雲陽李占春據涪州譚詣據巫山譚文據萬縣譚弘據天字城侯天錫據永甯馬應試據蘆衛王祥據遵義楊展據嘉定朱化龍曹勛仍據故地而李自成餘孽李赤心郝搖旗等十三家亦在夔巫間一蘅令

不行保叙州一郡而已 二月壬申朔明魯王圍海澄
癸酉攻漳州不克總兵陳國祚戰沒明日我

大清兵復海澄魯王退入于海知縣洪有文死之

洪有文

文見明史朱繼祚傳野史又作洪有楨釋史言魯王克漳浦授有文漳浦知縣四月城破死之證之殉節錄有文海澄知縣城破死之與明史合今從正史 丙戌明桂王自桂林奔全州

先是王至桂林以吳炳方以智爲大學士同瞿式耜入
問辦事以周堪賡郭都賢劉遠生等爲六卿丁時魁金
堡等爲給事中遣使勞何騰蛟趣兵入衛會

大兵已自梧州西向平樂而明武岡鎮將劉承允方以
兵至全州王坤以桂林之急請赴之式耜極陳桂林形

勢可守且言留粵則粵在去粵則粵危我進一步人亦能進一步我去速一日人來亦能速一日去而不守則拱手授人矣不聽式耜自請留守許之進文淵閣大學士兼吏兵二部尚書賜劍便宜從事以麾下焦璉爲總兵官陳邦傳封思恩侯守昭平王遂入全州初王爲張獻忠所執璉率衆攀城上破械出之王病璉負以行得免王以是德之遂見擢用是月明桂王總督丁魁楚被殺于大藤江魁楚之走岑溪也輜重累多舳艫相屬聞李成棟導

大兵自廣州而西復懷觀望成棟貽書誘之降遂移四

十艘順流東下成棟欵之舟中旋以計殺之遂盡取其

帑賄惟魁楚一妾過船投水死

言

明史陳邦彥傳但大兵克梧州殺

丁魁楚而諸書所記謂魁楚敗死于大藤峽皆以其死因事而諱之也南畧所引粵事記本末頗詳然亦似怨家語惟魁楚擁重貲在岑溪觀望進退李成棟誘之降而殺之此實錄也今據粵事記節而書之

四

川賊黨孫可望等入貴州故明布政使張耀亟言于巡撫米壽圖請發兵民守禦壽圖以衆寡不敵難之俄賊衆突至貴陽耀帥家丁乘城拒守興甯知縣吳子騏戶部主事劉瑄同知楊元瀛等亦以鄉兵拒賊賊來益衆子騏等戰敗被執死城遂陷賊帥與耀皆秦人說之曰公若降當以爲相耀怒詈不屈賊執其妾媵恠之曰降

則免一家死耀詈益甚遂竝其家屬十三人皆遇害壽圖出奔沅州賊尋陷安平僉事曾益集衆拒守死陷平壩衛戶部郎中譚先哲與里人甯前兵備參議石聲和俱闔門殉難寇定番州知州陳新第都司陳徵死之威遠守備陶世顯血戰沒于陣鄉官顧人龍率士民拒守殺賊甚衆城破大罵而死賊既陷貴州將長驅入雲南永甯知州曾異撰與其客江津進士程玉成貢生龔茂勳謀曰州據盤江天險控扼滇黔棄之不守事不可爲矣遂集衆登陴守城陷自焚死 三月壬子

大兵攻桂林明桂王旣奔桂林危甚總督侍郎朱盛濃

走靈川巡按御史辜延泰走融縣布政使朱盛湖副使
楊垂雲桂林知府王惠卿等俱遁惟瞿式耜與通判鄭
國藩縣丞李世榮及都司林應昌李當瑞沈煌在焉桂
王在全令兵部右侍郎于元煜代盛濃御史魯可藻代
延泰元煜故明大學士慎行子也未至

歿于元煜諸書多作於非元

煜平觀祭云凡史中人名作煜者大半

廟諱火華之代字也

大兵已薄城下以騎數十直入文昌門登城樓瞰式耜
公署時明總兵焦璉在黃沙鎮聞警率騎三百人赴援
值山水泛溢水及馬腹至江得漁舟二艇先後渡以初
十日即王前一日薄暮抵留守府式耜拊背勞之是日方運

糧入城而

大師數萬猝至式耜令璉拒戰璉袒背控弦發數矢皆應弦而倒自寅至午斬獲甚衆

大兵已退復合圍凡戰守三月璉功最多式耜身立矢石中與士卒同甘苦積雨城壞吏士無人色式耜督城守自如故人無叛志援兵索餉而譁式耜括庫不足妻邵捐簪珥佐之時劉承允遣援桂兵五千人至與璉兵主客不和擊傷璉大掠城中去璉兵亦出城赴黃沙鎮城幾破者數矣會明陳邦彥襲廣州

大兵東還桂林遂獲全

版墨諸書皆系文昌門之役及劉承允焦璉相擊傷事于五月

證之翟式耜奏稱自二月十五日移蹕之後至五月二十九日凡百有六日中遇清變者二遇兵變者一而明史式耜傳亦言戰守三月則五月解圍之語是然文昌門之戰則大兵甫至而焦璉先一日入城明史傳中所載具有日分則三月初十一日也劉焦兵變疑亦三月事若五月則王已在武岡而焦璉仍守桂林諸書蓋牽連記之不免前後矛盾今仍據明史統系之三月下 癸亥明劉承允以桂林之急挾桂王走武岡 是月

大清兵克長沙及湘陰初明總督何騰蛟聞閩破唐王遇害大慟厲兵保境如平時會桂王立進騰蛟武英殿大學士加太子太保至是闖賊降將王進才故守益陽聞

大軍漸逼走長沙揚言乏餉大掠竝及湘陰比我軍至

長沙進才走湖北騰蛟不能守奔衡州湖南巡撫章曠

奔寶慶于是長沙湘陰皆相繼下

致異長沙之陷据王氏永厯實錄副總兵

滿大壯死之野史所載有長沙僉事趙廷璧率妻古氏子燦子婦馬氏俱自盡

是春明桂王

兵科給事中陳邦彥起兵于高明僉都御史張家王起

兵于東莞新會王興潮陽賴其肖等皆以兵應之初邦

彥以廣州爭立遂變姓名入高明山中比廣東列城悉

下乃潛謀起兵有余龍等千餘人本萬元吉所募未行

而贛州已失龍等無所歸聚甘竹灘爲盜他潰卒多附

至二萬餘人桂王總督朱治澗招降之既而謀歸會

大兵下平樂將攻桂林邦彥乃說龍等乘間襲廣州而

已發高明兵由海道入珠江與龍會且貽家玉書曰桂林累卵但得牽制毋西潯平間可完葺是我致力于此而收功于彼也家玉以爲然遂與同里舉人韓如璜結鄉兵攻東莞城知縣鄭霖降乃籍前尙書李覺斯等貲以犒士甫三日

大兵至家玉敗走如璜戰死家玉居西鄉祖母陳母黎妹石寶俱赴水死妻彭被執不屈死鄉人殲焉西鄉大豪陳文豹復奉家玉取新安襲東莞戰于赤岡未幾大兵大至攻數日家玉敗走鐵岡文豹等皆死焉而邦彥所統龍卒故無紀律

大兵自桂林還救揚言取甘竹灘龍等顧其家輒退邦
彥亦却歸既乃遣門人馬應芳會龍軍取順德無何

大兵至龍戰敗應芳被執赴水死踰月龍再戰黃連江

亦敗沒會家玉亦敗于新安邦彥乃棄高明收餘眾伺

下江門據之

版異邦彥家玉之起兵諸書或系之正月或系之二月以時事攷之蓋大兵西

攻桂林時事攻桂林不克東還蓋以廣州被襲也明史

邦彥傳書于四年之春並系黃連江之敗于四月而邦

彥家玉之敗皆與陳子壯同在是年之冬今分書之四川賊孫可望等入雲南

初沙定洲逐黔國公沐天波踞會城分兵掠滇中諸郡

縣惟楚雄以金滄副使楊畏知堅守不能下

事見二年十二月

定洲乃築長圍困之至是可望聞滇亂兼程赴滇聲言

黔國焦夫人弟來復仇滇民久困沙兵喜其來迎之定
洲解楚雄圍去禦可望于草泥關大敗遁歸阿迷可望
遂破曲靖明巡按雲南御史羅國璫方按部曲靖與知
府焦潤生俱被執可望欲降之國璫不屈挈至昆明自
焚死潤生亦不屈死曲靖推官署道事夏衍虞貽書國
璫約共討賊事泄闔門死之都司經歷徐道興方署師
宗州事集士民固守及賊入署道興大罵賊令出迎其
將道興擲酒盃擊之罵不絕口遂被殺賊屠曲靖及交
水遂由陸涼宜良入雲南會城僉都御史朱壽琳方奉
桂王命募兵于滇賊至知不免張麾蓋往見之行三揖

禮曰謝將軍不殺不掠之恩可望諭之降不從繫他所
使人誘以官亦不從從容題詩于壁或以詩報可望遂
遇害可望分遣李定國徇迤東諸府而自與劉文秀率
兵西出畏知禦于啟明橋兵敗投水不死踞而罵可望
下馬慰之曰聞公名久吾爲討賊來公能共事相與匡
扶明室非有他也畏知瞠目視之曰給我爾可望曰不
信當折矢誓畏知因要以三事不用獻忠僞號不殺百
姓不擄婦女可望皆許諾乃與至楚雄略定大理諸郡
使文秀至永昌迎沐天波歸時永昌推官王運開攝監
司事通判劉廷標攝府事方發兵守瀾滄而天波已降

可望諭兩人以印往兩人堅不予永昌士民聞賊所至
屠僂泣請納款紓禍兩人慰遣之既去兩人相謂曰衆
情如此吾輩唯一死自靖耳是夕運開先自經廷標聞
之曰我老當先死王公乃先我邪遂沐浴賦詩三章亦
自經可望等重兩人死節求其後或以運開弟運闕對
卽聘之行至潞江謂其僕曰吾兄弟可異趣耶吾死若
收吾骨與兄合葬乃躍入江死時李定國東徇臨安與
沙賊部目李阿楚力戰破其城殺城中官民七萬八千
餘人盡掠子女而回所過無不屠滅河西陷里居故僉
都御史耿廷籙赴水死妻楊被執亦不屈死姚安陷姚

州知州何思舉人席上珍不屈死舉人金世鼎自殺晉甯陷知府冷陽春死之舉人段伯美諸生余繼善耿希哲助陽春城守亦殉焉呈貢陷知縣夏祖訓死之富民陷貢生李開方率妻子同死其友諸生王朝賀掩埋訖卽自經在籍知縣陳昌裔不受僞職爲賊杖死兵科給事中廖履亨楚雄舉人杜天禎亦先後死迤東之殺與獻忠同慘而迤西八府以畏知在軍得保全于是可望遂據雲南 夏四月乙亥明桂王駐武岡時劉承允挾王自重跋扈不可制逐司禮王坤于永州又矯王命晉己爵爲安國公總督戎政賜上方劍封其弟承永武岡

伯錦衣指揮馬吉翔文安伯郭承昊太和伯嚴雲從清
江伯御史毛壽登爭之吉翔怒疑出編修劉湘客指乃
激承允脅王杖壽登及湘客吳德藻萬六吉于牙門外
承允又力爲申救得免皆奪職六部九卿科道頌承允
功德者章無虛日至是復揚言桂林已下瞿式耜降王
乃定居武岡改曰奉天府時何騰蛟敗副將張先璧大
掠衡永間欲與承允爲難伏兵邀于路王至武岡甫渡
河浮橋斷獲免先璧遂大掠新甯承允請敕諭解久之
始去自是桂王政事皆決于承允矣時桂王遣降將李
亦心卽李錦自成
兄弟見前等攻荊州月餘

大兵來援赤心等大敗走入蜀數日不得食乃散入施州衛聲言就食湖南承允在武岡懼其偏謂非堵允錫不能禦乃加允錫東閣大學士封光化伯賜劍便宜行事允錫疏請給空敕鑄印頒賜秦中舉兵者時頗議其專云 己卯

大軍克興安明守將孫守法死之守法故陝西副總兵乙酉之夏

大清兵徇秦地守法奉明秦藩起兵復鳳翔謀攻西安不克是年三月復甯州拔興安之蕎麥山據之陝督孟喬芳降將也潛引輕騎誘守法出擒之守法執鐵鞭格

殺百十人乃死傳首西安 乙酉松江提督吳勝兆叛我

大清降于魯初勝兆以遼人納款從征游摧開府而與巡撫土國寶不相能會以濫收降卒被劾奉

嚴旨切責有長洲諸生戴之儁者故給事中楊廷樞門人也在勝兆幕中因以危詞動之令通款于舟山黃斌卿約合力取南都斌卿猶豫不欲應張名振力勸之時明故侍郎沈廷揚總督海師名振請以爲鄉導遂泛海由崇明抵福山以覘變舟泊鹿苑颶風大作軍士溺死者過半會

大兵在岸上大呼降者不死名振與監軍御史張煌言
侍郎馮京第皆襍降卒中逸去名振之弟名遠被執死
之廷揚嘆曰風波如此其天意邪吾當以一死報國然
死此無名乃呼謂游騎曰吾部御史也遂解至江甯總
督洪承疇以松山之役與廷揚有舊遣人說之降廷揚
曰承疇以松山之徇先帝賜祭十三壇建祠都下安得
尙有其人此唐子也承疇知廷揚不可屈乃行刑部下
贊畫職方主事沈始元總兵官蔡德游擊蔡耀戴啟施
榮劉金城翁彪朱斌林樹守備畢從義陳邦定及廷揚
從子甲皆死之麾下親兵六百人斬于婁門無一降者

而勝兆太湖起事之謀與水師約以十五六日至松江

及期寂然于是勝兆中軍張世勳都司高永義中變以

兵劫勝兆矯其令箭召勝兆所親信者之雋及標將李

魁吳著喬世忠王興邦黃國楨孟學孝等凡二十七人

皆誅之執勝兆送江甯窮治其獄詞連故兵科給事中

陳子龍等遂下大索之令啟異沈廷揚被執事見明史本傳而諸書所載與松江吳

勝兆事絕不相涉陳忠裕公年譜亦不涉沈廷揚一字

以時事攷之實一事也年譜引明季忠烈紀實子龍傳

言勝兆通款舟山約水師于丁亥四月十五六兩日至

松江為謀不密遣其將張世勳高永義偵海師至而海

師已于十四夜為颶風所沒世勳等因中變劫勝兆云

云證之全氏外編沈尚書傳廷揚之覆舟被執即是年

四月十四日事也勝兆之通款舟山及舟山之起師相

應全氏傳中紀其本末甚詳而年月亦脗合是月王申

朔十四日卽乙酉也子龍之遇害在五月攻其先後皆在太湖一獄中溫氏縛史系廷揚舟師之敗于壬辰誤也今月日悉據陳譜參全氏傳書之

五月明魯王師敗于海口總兵趙

牧參謀林箛舞死之攷異據輯覽所載卽是月克崇明卽覆舟後事蓋陸師之敗也釋史系之五月

大清兵靖太湖時吳勝兆事發巡撫土國寶謀乘此盡除三吳名士以陳子龍爲首次則楊廷樞也廷樞遭國變隱居邵尉山浙東遙授翰林院檢討兼兵科給事中至是以戴之雋株連被逮慨然曰予自幼慕文信國之爲人今日之事素志也舟中書血衣並詩以見志是月之朔大帥會鞠于泗洲寺好言慰之廷樞嫚罵不已遂

遇害臨刑首已墜聲從頂中出罵益厲門人送紹原購其尸葬焉廷樞妻費氏女觀慧適張氏皆先死之子龍也命與諸生夏之旭故考功允彞兄也同奔嘉定匿于太學生侯岐曾家岐曾故通政使峒曾弟也恐事不密以屬其義僕劉馴居數日捕者益急展轉匿于故延安推官顧咸正家咸正者故錢唐知縣咸建之兄其子天達子龍壻也居崑山

大兵縱跡之遂遣兵圍天達家獲子龍械之舟中癸丑子龍乘間過跨塘橋躍入水中死子龍母韓氏聞變亦自沈死一時以匿子龍死者岐曾及咸正天達天達弟

天麟皆先後就逮死而之旭從子完潛允彛子也時方拜表謀入閩從魯王亦以子龍事捕得下獄年方十七賦絕命詞慷慨臨刑之旭亦縊死文庶顏子位旁官生徐爾毅故尙書石麒長子也嘉善職方主事錢梅棟之從兄也與松江中書殷之輅金山張寬婁縣徐開祚等凡數十人皆以獄詞連及被執先後死而爾毅妻孫氏稱妻徐氏竝殉焉時又有故南昌知縣劉曙者蘇州破亦避居鄧尉山有通欵舟山之諸生疏吳中忠義十二十三人廷樞及曙名最先爲游騎所獲上其事會廷樞被逮乃及曙曙至膝不屈詰曰反乎曙荅曰誠有之愧

事未成耳然曙實不與謀也下獄八旬與咸正完瀆等
同就僇而太湖自吳易以來先後阻兵者有鎮南伯金
公王安撫許耕奇徐明道參將李世忠總兵王元震史
宏弼田希成毛濟宇同知吳任蘭濬鎮汪碩德參謀陸
美初副將施子昭及朱大定曹辰沈君晦等俱次第被
獲死蓋閱三年而後靖云夜異陳子龍之死以吳勝兆
連及楊廷樞之死以戴之雋
連及而二人尤名重一時故獨居首然廷樞被逮先至
據其舟中血書言其年丁亥之歲其月孟夏之終是四
月時日經筆野史記其被殺于五月之朔者爲得其實
若子龍展轉于侯顧兩家南畝記其投水于五月二十
四日證之忠裕年譜特書云五月十三日蓋得之目擊
者而子龍以未正大辟一時守者皆被刑復取子龍尸
梟于松江之西門其本末具見年譜注中南畝云二十
四日者蓋梟首日分也一時同難之人皆据年譜書之

而太湖先後阻兵十五人參輯覽書之年譜引堯峯文鈔侯岐曾之僕俞兒朱山鮑超陸二李愛五人皆從死是月

大清兵克衡州先是明何騰蛟退駐衡州總兵盧鼎從之未幾張先璧兵突至大掠鼎不能抗走永州先璧遂挾騰蛟走祁陽又間道走辰州騰蛟脫還走永州甫至鼎部將復大掠鼎走道州騰蛟與督餉侍郎嚴起恒走白牙市辰州永縣賢錄衡州之役臨武知縣李興璋死之

大兵遂克衡州初騰蛟建十三鎮以衛長沙而先璧及黃朝宣劉承允李赤心之等大氏李自成餘黨及左良

玉舊將也十三鎮姓名見上及是以湖南不守皆自爲

卷二年九月中

盜賊朝宣守衡州遂降于

大清大帥稔其貪殘因數其罪支解之遠近大快尋進克永州以一知府守之故明副將周金湯知城內虛夜鼓譟而登知府出走金湯遂復取永州 六月庚午朔

明督師何騰蛟朝桂王于武岡初騰蛟薦劉承允由小校擢至大將稱門生已漸倨騰蛟在長沙徵其兵承允大怒言先調黃朝宣張先璧軍皆巡撫章曠親行今乃折筮使我送馳至黎平執騰蛟子索餉數萬子走訴騰蛟乃遣曠行承允始至騰蛟爲請于王得封伯且與爲姻承允益驕至是忌騰蛟出己上欲奪其權請用爲戶

部尙書專領餉務王不許而承允專甚王懼其偏欲召騰蛟圖之于是騰蛟自白牙市入謁王及太妃皆召見然騰蛟亦無如承允何也騰蛟無兵王命以雲南援將趙印選胡一青兵隸之仍遣還白牙陞辭賜銀幣命廷臣郊餞承允伏千騎奠騰蛟印選力戰盡殲之遂退駐白牙章曠以騰蛟入朝代理兵事移駐永州見諸大將擁兵聞警輒走遂抑鬱而卒 是月明魯王攻漳州不克以前兵部侍郎錢肅樂爲兵部尙書初肅樂在翁洲閩中復召之未赴而閩已破遂隱于福清海壇山采薯爲食比聞魯王入閩肅樂入覲琅江王大喜進尙書肅

樂自陳無功請以侍郎署部事不許因疏請申軍令嚴
賞罰停止一切封拜鑄掛印將軍印以待有功者皆從
之兵威爲之一振又疏薦故太僕卿劉沂春廣東糧道
吳鍾巒皆召之沂春進右副都御史鍾巒進通政使王
之初至閩也鄭成功修頒詔之怨仍稱隆武三年至是
肅樂請頒明年戊子監國三年麻自是海上遂有二朔
秋七月甲辰明故給事中陳邦彥謀再襲廣州初廣
州之圍

大兵知謀出邦彥求其家獲其妾何氏及二子厚遇之
爲書招邦彥邦彥判書尾曰妾辱之子殺之皆唯命身

爲忠臣義不復顧妻子也故禮部尙書南海陳子壯以
粵東爭立沮之不得退居邑之九江村桂王立授子壯
東閣大學士兼兵部尙書督廣東福建江西湖廣軍務
會

大兵入廣州聿鏃被執死子壯止不行至是邦彥以書
密約復攻廣州未幾皆敗 明桂王遣兵陷平樂梧州
諸郡先是

大兵解桂林圍去而粵東義師四起大學士瞿式耜遂
乘間遣總兵官焦璉連取陽朔及平樂陳邦傳由賓州
取潯台兵攻梧州復之于是粵西全省地復歸于明王

以功封式耜臨桂伯璉新興伯式耜請王返全州又請
遷桂林皆爲劉承允所脅不果行 是月明桂王大學
士陳子壯起兵于九江村兵多蠶戶番鬼善戰乃與陳
邦彥約共襲廣州結故指揮使楊可觀爲內應子壯先
至駐五羊驛事洩可觀等死將引退邦彥軍亦至謀伏
兵禺珠洲側伺我軍還救會城而縱火以焚舟子壯如
其計果焚舟數十我軍引而西邦彥尾之會日暮子壯
不能辨旗幟疑皆

大兵也陣動我軍順風追擊遂大潰子壯走還九江村
長子上庸陣沒邦彥奔三水 明魯王次長垣親帥鄭

彩阮進之師攻福州敗績 八月己巳朔明桂王以戶部侍郎嚴起恒爲東閣大學士起恒謁王于武岡王奇其狀貌與語悅之遂有是命 丙戌明魯王襲連江王辰

大清兵克武岡先是衡州既下遂攻寶慶常德明大學士堵允錫走永順衛至是我軍突入武岡薄城外太監馬吉翔擁桂王倉卒走靖州劉承允以武岡降兵部尙書傅作霖冠帶坐堂上承允力勸之降不從遂就僂其妾鄭有殊色亦就執驅之過橋躍入水中死王之出奔也命大學士吳炳護世子走城步比至城已爲

大兵所破遂被執送至衡州炳不食自盡于湘山寺吏

部主事侯偉時從炳扈行亦死之

致墨吳炳殉難見明史本傳粵事記言其

頭踏葬卒于道而王氏永厝寶錄書其降蓋炳被執至衡州故一時誤傳以爲降也輯覽据明史且賜諡忠節

今從 九月明桂王復自靖州奔柳州道出古泥關降

將劉承允導

大兵追及之參將謝復榮趙馬吉翔等扈王疾馳身自

斷後力戰與總兵王景熙俱死之會明總兵侯性太監

龐天壽率舟師迎王天雨宮眷內豎狼藉泥淖中饑餓

無人色性供帳儲峙皆備王喜封性商邱伯以天壽掌

司禮監時從官皆失王所在從行者惟吉翔各部諸司

事皆吉翔一人掌之尋進吉翔爵爲侯時故兵部侍郎
李若星寓居貴州桂王召爲吏部尙書以武岡之破遇
亂兵死之致異謝復榮之死輯覽系之武岡陷目中證
之諸書復榮扈王至靖州中途遇追兵斷後
力戰敗沒于王家堡五百人殲焉輯覽因
吳炳傳作霖之死牽連並記耳今分書之

大清兵盡定湖南地分兵趨廣西貴州 故明大學士
陳子壯故給事中陳邦彥兵敗死之先是子壯敗還九
江村會故御史麥而炫破高明迎子壯以故主事朱實
蓮攝縣事實蓮子壯邑子也至是

大兵克高明實蓮戰死子壯而炫俱被執邦彥至三水
會清遠指揮白常燦以城迎邦彥乃入清遠與諸生朱

學熙嬰城固守邦彥自起兵日一食夜則坐而假寐與其下同勞苦故軍最強嘗分兵救諸營之敗者及是精銳盡喪外無援軍越數日城破常燦死邦彥率數十人巷戰肩受三刃不死走朱氏園見學熙縊拜哭之旋被執饋之食不食繫獄五日被慘踰月子壯而炫執至廣州不降亦被僂子壯母朱氏自縊 冬十月丁丑明桂王復自柳州奔象州初土司覃遇春釋史覃作單統狼兵肆淫掠大學士瞿式耜召至桂林誅之王至柳州遇春妻子迎訴王復以其子鳴珂爲總兵領父部曲至是鳴珂聲言復仇與柳州守道龍文明相攻殺文明走鳴

珂大掠城中矢及王舟王遂南走 癸未

大清兵再克永州分兵下黎平明總兵蕭曠本武昌諸生爲劉承允偏裨何騰蛟推授總兵仍管黎平參將事及承允降令降將陳友龍招曠曠不從已城破曠力戰死之友龍遂盡劫騰蛟眷屬以去武岡之敗騰蛟及趙印選胡一青奔還桂林嚴起恒劉湘客等亦至時城中止焦璉一軍至是騰蛟率諸將助守而十三鎮郝永忠盧鼎兵亦先後至永忠擁兵萬餘與璉兵欲鬥騰蛟調劑桂林以安乃與留守瞿式耜議遣璉永忠鼎印選一青分扼興安靈川永甯義甯諸州縣遂合疏言柳州猛

僮僕虜地瘠民貧不可久駐慶遠地鄰黔蜀南甯地逼
交夷未可遠幸邇來將士瞻雲望日以桂林爲杓樞諸
臣聞關重趺率以此爲拯救之聲援請亟返桂林以圖
恢復不聽 是月明桂王兵部尙書張家玉敗績于增
城死之初家玉敗走里人故尙書李覺斯以籍家之怨
發家玉先壘毀其家廡及村族家玉過故里號哭而去
道得衆數千取龍門博羅連平長甯遂攻惠州克歸善
還屯博羅比

大兵來攻家玉走龍門復募兵萬餘人家玉好擊劍任
俠多與草澤豪士游故所至歸附乃分其衆爲龍虎犀

象四營攻據增城至是

大兵步騎萬餘來擊家玉三分其兵犄角相救倚高崖深谿自固大戰十日力竭而敗被圍數重諸將請潰圍出家玉嘆曰矢盡礮裂欲戰無具將傷卒斃欲戰無人烏用徘徊不決以頸血濺敵人手哉因徧拜諸將自投野塘中以死年三十有三事問桂王嗟悼贈少保大學士增城侯謚文烈其父兆龍猶在以子爵封之

家玉以曾

降國賊故

木朝賜諡不及焉今據明史本傳書其死事之烈

明魯王遣兵復福甯

甯州初唐王在關以涂登華守福甯比魯王徇閩地遣

大學士劉中藻諭之登華疑未決曰海上豈有天子舟

中豈有國公兵部尙書錢肅樂致書曰將軍獨不聞南
宋之末二帝竝在海上張陸竝在舟中乎登華遂以城
附焉王復遣其兵部侍郎林汝翥文選員外郎林塗以
鄉兵犯福清戰敗塗沒于陣汝翥被執諭降不從繫之
吞金屑而死時明中書舍人陳世亨與鄧藩理以一旅

復瑞安援兵不繼被執不屈亦死之

版異世亨藩理二人見釋史惟藩理

夫其官原文復安固徐氏言晉置安固後更名瑞安是也今據書之

十一月戊戌

版異諸書

戊戌朔
同是時仍用大統曆也今不書朔蓋

明桂王在象州王

子王自象州返桂林時

大兵攻全州灌陽何騰蛟率焦璉郝永忠盧鼎趙印選

胡一青五將合力拒守大戰全州城下會

大兵解圍去王乃敘騰蛟等功加騰蛟太師與璉竝進
爵爲侯封印選新甯伯一青與甯伯未幾

大兵再逼梧州時陳邦傳在梧遣舟師將犯肇慶遇我
軍游騎至輒驚潰遂泝流追擊薄梧城邦傳急遁還潯
州遂入之桂王初欲自象州走南甯瞿式耜再疏爭之
乃遣司禮龐天壽閣臣王化澄等扈三宮入南甯王泝
流而上馬吉翔左右王遇淺水輒力挽之王爲之揮淚
是月

大清兵克沅州明偏沅巡撫傅上瑞降時貴州巡撫米

壽圖在沅州死之 十二月己巳明桂王還桂林大學

士瞿式耜與王化澄嚴起恒竝入直何騰蛟仍出督師

攷異諸書皆作初三日王還桂林行在陽秋時馬吉翔

書之是月己巳卽三日也輯覽作初五日以扈駕功方用事瞿式耜勸王攬大權明賞罰親正人

納正言以圖興復時不能用騰蛟出師全州未至而

大清兵已抵州城時郝永忠駐全州有言陳邦傳將襲

其輜重之在會城者永忠卽撤兵馳還桂林盧鼎從之

焦璉不知其故亦倉卒走平樂人情震駭守全諸將議

遣使請降監軍御史周震力爭不可衆怒曳出斬之州

人孟泰仰藥死于是全州鎮道遂以城降 是月浙東

山寨之獄起初江上之潰浙東士大夫之樹義旗踞山
寨者故御史李長祥軍于上虞之東山都御史張煌言
軍于上虞之平岡故職方主事王翊副都御史王江軍
于四明之大蘭山故都督章欽臣軍于會稽之南鎮其
他則故御史張夢錫之大蛟寨

蛟全氏傳
中作蛟

諸生杜懋俊

施邦炳之管江寨皆在鄞江時則職方主事華夏佐長
祥推官楊文琦佐翊大理評事王家勤主施杜軍事而
評事董志甯奔走聯絡諸寨間故主事屠獻宸推官董
德欽招兵甯波遇降將海道中營游擊陳天寵仲謨二
人故史閣部麾下也與之盟請効死爲內應會錢肅樂

謁魯王于長垣以兵部尙書部署海上諸軍連復閩海
州縣且逼福州于是

大兵之在浙者撤以備閩志甯語夏曰此可乘之隙也
將以舟山之師會大蘭王翊軍下甯波而已以天寵等
之師翻城應之復連東山李長祥軍下紹興則監國故
璽可復乃入舟山乞師于黃斌卿不應憤而歸會夏以
與故御史馮京第書往來海上事洩爲慈谿大俠所告
捕之入獄家勤爲營救得出再詣舟山極陳山寨諸軍
刻期竝集百里之內牛酒日至斌卿爲之心動許之于
是夏與文琦家勤飛書發使諸寨響應而斌卿卒猶豫

不發送爲降紳謝三賓所告

大兵捕之急志甯脫走夏等俱被執初志甯擁錢肅樂起兵于鄆同豫議者家勤夢錫夏及陸宇燝毛聚奎時所稱六狂生者也三賓已降復貽書王之仁請斬肅樂及六狂生而之仁旋歸于魯洩其謀志甯等縛三賓夾長刀而下三賓哀號請輸餉萬金乃得免至是三賓以計賺取夏貽大蘭帛書告之大府密調慈谿兵襲大蘭初走避四明山中龔東山長祥走奉化前軍章有功死之乃下令大索先是翊與黃宗羲招山寨兵爲大兵所覺捕之急囚其弟翊令以書招翊翊不顧遂殺

胡亥異屠華等五君子之獄諸書皆系之戊子蓋被殺
之年月也證之全氏華氏忠烈合狀其就刑在戊子
五月初二日而王家勤之死遲一月然其起兵謀襲甬
波則在 大兵入福州之前後事故黃氏行朝錄繫
之是年十二月而全氏大蘭王公墓碑記其事亦云丁
亥十二月華氏狀中再勸斌卿出師有今十一月十四
日直指使者之天台之語則其事發于丁亥之冬刑于
戊子之夏叙次分明自甲申以來蘇州太湖及浙東山
寒爲殘明殷頭之兩大獄明史
于山寨事獨遺之今據全集增

順治五年春正月丁酉朔明桂王在桂林魯王自閩安

鎮移次壺江琅琦嶼 癸丑明魯王將鄭彩潛害其大

學士熊汝霖時王竄居海島彩專政與汝霖有隙會彩

部下兵與定遠伯周瑞兵鬪送汝霖治汝霖笞而逐之

彩遂激衆怒夜分破門入執汝霖沈之海竝其幼子亥

全氏謂熊僅一子在北未歸今仍揭輯覽不書名

義興伯鄭遵謙不平彩復遣

人殺之亦投尸于海中竝其愛妾金氏

致異汝霖遇害諸書皆云望後

二日航海遺聞作十七日蓋癸丑也金氏見釋史或云自盡

癸亥降將金聲桓叛

以江西附明桂王聲桓以左良玉部將歸附乙酉之夏與降將王體忠合兵取江右聲桓計殺體忠以其黨王得仁代之得仁亦闖部裨將所稱王雜毛者也江西既平授聲桓總兵恃衆驕恣江西撫按每裁制之聲桓得仁心怏怏初明萬元吉曾識聲桓于楊嗣昌軍中及守贛貽聲桓書勸之納欵于唐聲桓對衆撻其使夜深親解其縛而遣之未幾桂王立聲桓潛遣其客雷德復通

欵粵中以其妻子在京師未敢發會有以聲桓陰事告
巡按御史董學成者竝及得仁適聲桓之孥亦自京師
至二人叛志遂決先一夕閉城門部勒全營圍學成官
署殺之竝及副使成大業比明遂執巡撫章于天子江
中迎故明大學士姜曰廣入城以資號召遣人奉表桂
王王封聲桓昌國公得仁新喻侯聲桓遂以反正爲名
仍用永曆二年正朔 是月故明宗室朱容藩僭稱監
國于夔州初容藩受桂王總制駐蜀與巡撫李乾德等
不相下川中諸將李占春附容藩袁韜附乾德互相爭
殺會廣西危迫相傳桂王已沒容藩遂僞稱監國天下

兵馬副元帥建行臺于夔州稱制封拜明御史錢邦芭傳檄討之堵允錫以湖南地失無所歸由貴州走蜀見容藩賁以大義曉譬利害其黨頗散占春與韜戰不勝退至涪州時明大學士呂大器督師四川至涪州過占春營具言桂王無恙容藩乘機僭竊當得罪占春以爲

然乾德乃檄諸鎮討之

取墨容藩僭號諸書皆系之去年十一月

長至之日而韜與占春相爭殺則今年正月事也今据輯覽年月書之

二月庚午叛將

金聲桓遣王得仁統兵陷南康饒州遂攻九江揚言將窺江甯或說聲桓曰昔宸濠反江西武宗擇王守仁而任之居上游之贛州宸濠不備遽下潯陽攻安慶而守

仁順流疾趨會城遂搃其吭而拊其背卒禽之今文武
督皆在贛州宜先攻之不然且伺我後聲桓從之立召
得仁還與并力犯贛以宋奎光守南昌己與得仁出師
遂圍贛州 丁亥明桂王犇南甯初郝永忠駐師桂林
與城外團練兵鬪大掠水東十八村與瞿式耜構難式
耜力調劑永忠兵乃移駐興安至是

大兵前驅至靈川永忠戰敗奔桂林請王卽夕西走式
耜力持不可時何騰蛟方出師在外式耜言督師警報
未至無大恐若播遷不已國勢愈弱兵氣愈難振民心
皇皇復何所依不聽王左右皆請速駕式耜又言俟督

師還背城借一勝敗未可知若以走爲策則何地不危
反覆數百言王曰卿不過欲予死社稷爾式耜爲泣下
沾衣巖起恒曰明日當議之迨夜半王已駕行甫出城
永忠卽大掠捶殺太常卿黃太元式耜家亦被掠家人
矯騰蛟令箭乃得釋日中趙印選諸營自靈川至亦大
掠桂林內外如洗永忠走柳州印選等走永甯明日式
耜息城中餘燼安撫遠近焦隳及諸鎮周金湯熊兆佐
胡一青等各率所部至騰蛟亦自永福至民心粗定時
大兵進克興安破巖關興安總兵三人史佚其名及副參游
以下死者四百人 是月故明崇陽王龔黎平爲降將

陳友龍所敗諸營俱潰降獨興化土司迎奉國將軍暉
奎入寨以兵千人守之復爲友龍所破暉奎死之 明
魯王拜錢肅樂爲東閣大學士三辭不許鄭彩旣害熊
鄭二人逆節大著諸鎮皆惡之肅樂辭相位不得請每
日繫裾于王舟之次票擬章奏封進卽解維別去其所
票擬不過上疏乞官循故事而已大者則彩主之雖王
亦不得而問也肅樂每入見卽流涕不止日朝衣拭泪
昔人所譏臣不能禁王亦爲之潸然 三月乙巳明桂
王入南甯隨駕者自馬吉翔外惟內閣嚴起恒兵部尙
書蕭琦科臣許兆進吳其靄尹三聘洪士彭等數人而

已王意欲進土州琦上疏言十不便乃止起恒以首揆
兼吏部時君臣資斧空乏乃懸示通衢廣爲開選二十
四土州檳榔鹽布諸賈及土樂戶皆註仕籍沈品益涓
襍矣 戊申

大清兵入順慶 丁巳

大兵攻桂林時桂林空虛我軍直薄北門明督師何騰
蛟分三面出胡一青以滇兵出文昌門周金湯熊兆佐
以楚兵出榕樹門騰蛟偕焦璉出北門璉左右衝擊一
青繼之我軍合而復散者再遂解圍退駐全州桂王在
南甯瞿式耜遣使問王及太妃起居王始知式耜無恙

爲之泣下王至南甯故少詹事朱天麟寓居安平土州
先是王在武岡以禮部侍郎召辭不赴至是復召擢禮
部尚書天麟請率土兵畧江右不聽乃趨謁王尋拜東
閣大學士 是月

大兵克興化明魯王大學士朱繼祚及參政湯芬給事
中林崱知縣都廷諫竝死之王自監國二年正月至長
垣至是年正月連克建甯邵武興化三府福甯一州漳
浦海澄連江長樂等二十七縣軍聲頗振及是得者復
失

大兵尋克永福里居給事中鄧正畿御史林逢經俱投

水死克長樂里居御史王恩及服毒死妻李氏殉焉克

建甯守將王祁巷戰不勝自焚死政異此据明史朱繼祚傳傳中彙書自去

年正月至今年正月凡克三府一州二十七縣而諸書

以魯王取興化系之是年正月按王以正月竄居海島

若是時興化已復軍威尙振似不至此疑興化之復仍

在去年今据輯覽大兵克興化年月彙書之復海

澄在去年二月旋爲大兵所克洪有文死之故輯

覽分書于四年犯崇明目中而永福長樂建甯之破輯

覽所記在克興化夏四月丙寅朔政異黃氏行朝錄

之後今据書之及木拂甲行日注

皆書閏三月而以乙未爲四月之朔是用明厯也然是

時桂魯二王所頒之厯亦各不同南畧据粵事記是年

閏六月疑閏三月者海上之厯而閏六月者粵中厯也

魯監國厯進自黃宗義錢蕭樂在閩復請頒戊子監國

三年厯亦卽宗義本也南雷自書之閏三月必非傳聞

之誤且與賜姓本末同而粵中事係在粵者所寄亦見

南畧中其爲身厯之月日亦屬可信若夫野史所載或

据魯王厯或据桂王厯所謂傳聞異詞不能辨也今遵

依大清麻閱在四月而所記幾明亭明史式招傳亦書閏三月今增識之以資攷證 明留守

瞿式耜以王在南甯經筵無講官乃撰八箴以進王嘉納之 乙亥降將李成棟叛我

大清以廣東歸附明桂王初成棟本高傑部將乙酉之夏以徐州總兵來降從

王師平粵摧提督成棟不樂受總督佟養甲節制常懷異謀及是金聲桓叛于江西誘之同反計益決先一日令其兵集教場聲言索餉越日成棟請養甲出城撫輯衆兵呼噪劫之以叛成棟遂脅養甲傳檄各屬遣使通款于王廣西巡撫耿獻忠聞之亦舉梧州叛降 癸巳

大兵克九江分徇南康饒州皆下之進薄南昌 閏月
乙未朔明桂王遣吏部侍郎吳貞毓旂符侯侯性勞李
成棟軍封成棟惠國公佟養甲襄平伯耿獻忠爲兵部
尙書廣東布政使袁彭年與成棟養子元允寶主歸附
之謀進彭年左都御史元允錦衣指揮使成棟尋遣明
舊臣洪天擢擢一作耀潘曾緝李綺齎奏敦駕蹕端州一時
明故官之家居者或以反正爲名或以彈冠相慶于是
晏清至自田州授吏部尙書張鳳翥以兵科兼翰林院
修撰張佐辰自貴州來管文選司初

大兵之克廉州也推官張孝起以兵拒被執不屈羈之

軍中至是脫歸入謁授吏科給事中 是月降將劉承允傅上瑞以謀叛爲

大兵所覺皆伏誅 五月辛未

大清兵圍南昌先遣別將搜麥源清嵐諸道薄西山未下營已血刃數百里方合圍金聲桓兄成功密約來降宋奎光謀知殺之癸酉

大兵攻得勝門城壞數處奎光囊土塞之得不破時聲桓等圍贛州不克聞報大懼撤兵急回贛人掩擊亡其大半至南昌中伏大敗于七里街遂盡撤城外屯兵入城堅壁不出其部將請戰不聽遣所署江西巡按吳尊

周乞師于粵尊周盡匿敗狀盛稱其捷桂王喜以尊周為總督

大兵見聲桓終無出兵意乃用鎖圍法東自王家渡屬灌城西自雞籠山屬生米渡掘濠載版起土城自是內外耗絕王得仁自軍敗後不復親督師方娶武都司女為繼室繡旆親迎金鼓喧闐我軍方大駭徐偵之則皆曰王雜毛娶婦也已城中糧盡人相食乃大出居民城中情實盡為我軍所得因以餘暇略定諸郡縣而是時明故僉都御史揭重熙奉桂王拜兵部尚書總督江西兵故檢討傅鼎銓以贛州破退隱山中亦起為兵部侍

郎兼翰林院侍讀學士重熙召募萬餘人薄邵武敗還
鼎銓往援贛州亦敗焉聲桓外援盡絕但守空城而已
是月

大清兵以金聲桓李成棟相繼叛旋師應援在全州者
先退至是在湖南者亦退明桂王督師何騰蛟乘間復
取全州復遣保昌侯曹志建宜章侯盧鼎新興侯焦璉
新甯侯趙印進攻永州而荆江侯張先壁亦克靖州遂
克沅州光化伯堵允錫亦遣馬進忠王進才等取常德
桃源澧州道州臨武藍山荆門宜城諸州縣一時楚南
響應 明浙東山寨之獄其爲首者故職方主事華夏

次則主事屠獻宸推官楊文琦董德欽評事王家勤時
所稱五君子者也夏入獄直指使者令甯波知府大陳
刑具究黨與夏慷慨曰心腹腎腸吾同謀也三拷之終
不承有勸獻宸德欽等孫詞以避禍者文琦獨不可竝
論死而謝三賓再搗獻宸德欽遂以是月初二日同就
刑于鄞市家勤主管江軍事

大兵搃大蘭東山二寨遂及管江明都督施邦焮茂才
杜懋俊據寨拒捕力戰三日矢石如雨夷傷殆盡寨陷
懋俊猶率家丁巷戰中矢如蝟傷重倚牆而斃屍不仆
者三日懋俊之仲父兆菡亦力竭被執斫其首十二刀

而後踣邦煇焚其營尋拔其先世所遺佩刀自刎死時
家勤至翁洲招海師入援中途被執繫之錢唐獄中累
訊瞠目無一語遂以越月見殺謝三賓之告變也列文
琦名竝及其弟故御史文瓚都事文球方事之殷文琦
以其父在謀獨承之而遣文瓚文球入閩文瓚不可獨
遣文球變服走比就訊文琦慷慨無他詞但言文瓚不
預謀請釋之以養父而自求速死于是當事亦議坐文
琦而釋文瓚文瓚卒不可遂繼五人死之文瓚妻張氏
負其尸紉其首斂之尋飲藥以殉毒不卽發復投繯而
絕文琦妻沈氏聞之噉然而哭曰吾妣烈矣吾後之哉

亦自經而夏妻陸氏聞變絕粒七日或以有姑在勸之乃日進一餐已而有令徙諸家妻子入都陸氏託其子于夏之故交評事林時躍變姓名匿之遂自經獻宸之妻朱氏亦殉焉時以爲四明忠烈之盛事云先是獄未成詞連故都御史高斗樞禮部主事李柵大訊于杭里中諸義士捐數萬金救之得解柵出獄嘆曰吾前此不欲隕黑阱耳今得見白日而死可矣遂絕粒數日卒

此据全氏揚氏四忠雙烈狀及屠董二君子事狀書之而殉節錄所載遺去楊文琦妻沈氏今据增至其月日之先後据諸書皆在戊子而全氏事狀記五君子事則華楊屠董之死在五月家勤死在六月而御史揚文瓚之死亦同在五月時又稱六君子者是也李柵之死亦具見全氏阡表据書就訊于是年正月柵以二月死並

彙書

六月戊戌明魯王大學士錢肅樂卒肅樂自再

謁魯王兼吏兵二部事閩中郡縣連復皆其功也嗣聞

連失守肅樂素有血疾遂劇熊鄭二人之死憂憤益增

以頭觸牀卒年四十三王震悼輟朝賜祭贈太保謚忠

介沒後六年故相葉向高曾孫尚寶承進晟始葬之福

清黃檗山中攷異忠介之卒釋史系之六月戊戌全氏

琦沒後六年始葬福清而汪氏航海遺聞謂其遇風覆

舟披難入山卒于福清則誤以江上破後之事當之而

忘其再出也今癸卯明桂王自南甯至潯州先是李

成棟請王入廣州王將赴之瞿式耜請還桂林疏言駕

若東幸軍中將帥謂朝廷樂新復之士成棟亦有邀駕

之嫌號令既遠人心渙散臣不能制也再疏令檢討蔡之俊往迎又令給事中蒙正發敦蹕俱不報遂至潯州封潯帥陳邦傳爲慶國公邦傳請世守廣西如黔國公故事大學士朱天麟執不允邦傳怒以慶國公印尙方劍擲天麟舟中要必得會瞿式耜持疏劾之廷臣亦多爭之者邦傳乃止列朝天麟沮邦傳世守事据明史本傳書之然天麟固黨于邦傳者今刪去終執不允四字並載式耜之劾以著世守之終寢乃式耜也秋七月甲子朔明桂王次梧州謁興陵卽桂端王陵也李成棟遣其將羅成耀率甲士五千趣駕入廣州瞿式耜慮成棟將挾王如劉承允故事復上疏力爭廷臣重違成棟意乃議肇慶本監國

舊駐地居兩省之中遂定計移蹕趨肇慶八月癸巳
明桂王至肇慶拜成棟大將軍子元允亦封南陽伯成
棟言式耜擁戴元臣不宜久在外王召式耜式耜願留
桂林終不入然聞政有闕失必具疏力爭嘗曰臣與主
上患難相隨休戚與共不同它臣一切大政自得與聞
王雖褒納不能盡從也時諸臣各樹黨援從成棟至者
王煜耿獻忠洪天擢潘曾緯毛毓祥李綺自誇降附功
氣陵朝士自廣西從王至者嚴起恒朱天麟王化澄吳
貞毓吳其濡晏清洪士彭尹三聘許兆進張孝起皆自
恃舊臣詆斥曹耿等久之復分吳楚兩黨主吳者天麟

孝起貞毓化澄及李用楫堵允錫萬勦程源郭之奇皆
內結馬吉翔外結陳邦傳王楚者袁彭年及少詹事劉
湘容給事中丁時魁蒙正發金堡皆外結瞿式耜內結
李元允元允方握政柄彭年等依爲心腹攬權殖貨勢
甚張時人目爲五虎彭年嘗論事王前語不遜王責以
君臣之義彭年勃然曰倘向者惠國以五千鐵騎鼓行
而西君臣義安在王變色大惡之彭年等謀攻去吉翔
邦傳權可獨擅也令堡疏陳八事劾邦傳十可斬吉翔
及中官龐天壽大學士起恒化澄與焉起恒化澄乞去
天麟奏留之堡與時魁等復相繼劾起恒吉翔天壽不

已太妃召天麟面諭武岡危難賴吉翔左右令擬諭嚴
責堡等天麟爲兩解卒未嘗罪言者而彭年輩怒不止
王知羣臣水火甚令盟于太廟然黨益固不能解 甲
辰叛將李成棟爲明桂王提兵下南雄謀度嶺犯贛以
援南昌也 冬十月辛丑明桂王殺降將佟養甲養甲
爲李成棟所忌密請王除之至是王命養甲至梧州祭
桂端王陵遂遣盜殺之白沙洲 丁巳李成棟大敗于
贛州成棟駐南雄率部衆及峒蠻土寇共二十萬號稱
百萬犯贛州營柵未立成棟忽夢中驚聞城上呼董大
哥者三以爲董大成已降蓋大成乃成棟中軍也成棟

軍中大亂我巡撫劉武元總兵胡有陞等乘機出擊大
敗之成棟單騎走十大營皆潰我軍斬首萬餘級俘獲
無算成棟退屯南康 十一月辛酉朔明桂王督師何
騰蛟克永州騰蛟遣曹志建等圍永州三月大小三十
六戰至是遂克之時寶慶衡永諸郡縣大半復入于明
騰蛟議進兵長沙瞿式耜以機會可乘請王還桂林圖
出楚之計不納攷東明間見錄行在陽秋皆系騰蛟
系圍永州于十月皆傳聞之與詞也明史騰蛟傳言圍
城三月疑九月爲圍城之始而十一月朔始克之正與
圍城三月之語合今据之 十二月明桂王督師堵允錫招忠貞營
李赤心軍自夔州至時馬進忠取常德駐其地允錫惡

進忠令讓常德以與赤心進忠大怒盡驅居民出城焚廬舍走武岡而寶慶守將王進才亦棄城走他守將皆潰赤心等所至皆空城旋棄走東趨長沙騰蛟時駐衡州大駭乃檄允錫率赤心等入湘潭而已自衡州與之會降將姜瓖叛我

大清據大同號稱反正易明冠服諸在籍鄉官萬練劉遷王永強等舉兵應之遂畧偏關雁門及代州繁峙五臺等縣是歲明魯王故職方主事王翊復自四明入大南山遂以三月破上虞殺其署縣事者時浙東山寨復嘯聚而小寨支軍亦以百數于是

大兵欲靖山寨以大蘭最強乃合甯紹台三府之軍由四明之清賢嶺而入翊合諸寨軍屯于丁山以待之久而弛

大兵猝至翊敗喪其卒四百人有孫說者不知何許人來救翊翊得免而說中流矢死我軍不能久駐山中翊得復振與明故侍郎馮京第合軍守杜巖

大清復調浙西兵選四明山民團練兵爲鄉導遂破杜巖關口長驅而入翊走天台乞天台洞主俞國望之兵沿途招集流亡一月間復得萬餘人間道入杜巖擊破團練山民復據之